

M214: Speculum ecclesiae

- 3v,25 oratio pro ecclesia
 3v,26 nû schulet ir hiute lâzen geniezen die heiligen kristenheit .
 3v,27 daz iuch mîn trehtîn hiute hier gesamenet
 3v,28 hât . in sînem dieneste . unde schulet unsern hêrrn –[...]
- 4r,1 –[...] wolte . dô wolte er in allerêrste entbieten sîne kunft .
 4r,2 er wolte si troesten . daz si dâ nâch iht gezwîveleten .
 4r,3 unde mit sînem trôste sterken . daz êwiclîchen
 4r,4 iht verloren wurden . die boten dâ vûre sande . daz was
 4r,5 . sancte . Isaias unde andere wîssagen . nû vernemet den
 4r,6 trôst den er sînen boten bevalch . er sprach . “ir mîne
 4r,7 dienstliute . saget den armen die dâ ligent in
 4r,8 sô grôzem sêre . die dâ gezwîvelt habent in ire siechtuome .
 4r,9 unde sprechet zuo in . ir vile wêniges gemüetes .
 4r,10 sterket iu . wan got iuwer komet . unde wile iuch heilen .
 4r,11 er machet iu gesunt von allem iuwer siechtuome .”
 4r,12 “sô er nû kumet” sprâchen sîne boten . “sô werdent
 4r,13 die blinden gesunt . die toerischen hoerente . die halzen
 4r,14 springente . die stummen sprechente .” si wârn
 4r,15 blint wan si got niht erkanten . si wârn tôrn .
 4r,16 von diu . daz gotes wort verunruocheten . si wârn halz .
 4r,17 wan si in guoten werken niht giengen . si wârn
 4r,18 stummen . wan si ire sünde gote niene klaget .
 4r,19 die vier schulde . die anegengeten an dem êrstem
 4r,20 mennische . unser vater Adâm . der wart tôre an
 4r,21 dem êrstem gebote . wan alsô uns diu buoch sagent .
 4r,22 dô in unser hêrre in daz paradîs gesatzte . unde im
 4r,23 allez daz ûf der erde ist . undertân machete . dô
 4r,24 wolte er Adâmes gehôrsam bewærn . unde zeigete im
- 4v,1 ein obez . daz schoener was denne ander obez . unde gebôt
 4v,2 im . daz er allez daz æzze . daz er wolte . unde daz eine obez
 4v,3 verbære . unde seite im . swenne er daz geæze . daz er des
 4v,4 êwigen tôdes müese ersterben . leider dô volgete er
 4v,5 dem leidigem tiuvel . daz er iz geaz . want er im geheizen
 4v,6 hête . swenne er daz obez geæze . daz er gote gelich
 4v,7 würde . leider an der selben stete verlôs er zwei gewizzen .
 4v,8 daz er gotes gebot verkôs . dâ was er tôre . dô

4v,9 er dem tiuvel gevolgete . daz er wânte daz er gote gelîch
 4v,10 würde . dâ was er blint . daz im dâ nâch unser hêrre
 4v,11 verweiz “ecce Adâm . quasi unus ex nobis factus est”
 4v,12 wâ nû Adâm der dâ wânte daz er künftic got
 4v,13 scholte werden . nû ist er arm worden . der gelîch
 4v,14 wolte sîn . patri et filio et spiritui sancto . nû hât er ein anderz
 4v,15 vunden . denne er gedingete . dâ nâch wart er
 4v,16 hinkente . dô er guot solte haben geworht . dô kêrte
 4v,17 er an daz unreht . dô in der eiterhafte slange verwunde .
 4v,18 dô wart er mit boesen werken hinkente .
 4v,19 sîn êrstez werc Adâmes . was ein houbethaft sünde .
 4v,20 zwêne vuoze sol haben ein iegelich mennische . waz
 4v,21 sint die zwêne vuoze . diu minne gotes . unde
 4v,22 unsers ebenkristes . swer der dewederz âne ist . der
 4v,23 ist halz . von diu wart Adâm hinkente . daz er sîne
 4v,24 kone mêr minnete denne got . wande er ire

5r,1 râtes volgete . dô er daz verboten obez az . unde wart
 5r,2 gote ungehòrsam . der im iz verboten hête . von diu muose
 5r,3 er hinken . stumme wart er an der bîhte . wande
 5r,4 leider sîne schulde kêrte er gar ûf sîn wîp dô er sprach Adâm .
 5r,5 “die dû mir ze hûsgenoze gæbe” “– sotiam dedit mihi etc .”
 5r,6 “hêrre . daz wîp .” sprach Adâm . “die dû mir ze genôzschefte
 5r,7 gæbe diu gap mir daz obez . unde az ich .” dô er sprach .
 5r,8 “daz wîp die dû mir gæbe .” dô kêrte er alle sîne schulde
 5r,9 ûf daz wîp . unde wolte got verunliumunten an dem
 5r,10 worte . daz er sprach . “die dû mir gæbe .” nû habet ir
 5r,11 vernomen . wie Adâm tôre wart . halz . blint . unde
 5r,12 stumme . in dei selben laster viel allez mankünne .
 5r,13 ê daz der heilige Krist in dise werlt koeme .
 5r,14 si wurden alle sô blint . daz si diu apgot an beteten .
 5r,15 si wârn sô ertoert . daz der guote wîssage sanctus Isaïas .
 5r,16 den got vüre sich sande . sprach zuo im . “– quis credit
 5r,17 auditui nostro .” “hêrre wer geloubet unser bredige .”
 5r,18 dâ nâch wurden si alle hinkente . mit übeln werken .
 5r,19 alsô geschriben ist . omnes declinauerunt simul .
 5r,20 daz sprach sanctus Dâvît . der gotestrût . “si sint alle
 5r,21 geneiget . an daz übel . nieman ist der guot tuo .” stummen
 5r,22 wârn si alle . von diu . daz si ire sünde verswîgeten .
 5r,23 unde die gote niene klageten . diu laster elliu heilte
 5r,24 der himelisch arzât . die blinden machete er

5v,1 gesehente . dô er in den sin gap . daz si die heiligen schrift
 5v,2 verstuonten . unde daz erkanten . daz der heilant
 5v,3 komen was . ire ôren offenete der heilige Krist . dô
 5v,4 er zuo in sprach . “– habet aures . audiendi audiat”
 5v,5 dô er in eines tages von dem gotes rîche seite . dô sprach
 5v,6 er zuo in . “swer ôrn habe der verneme daz ich im sage .”

- 5v,7 sâr wâren ire ôrn hoerente daz gotes wort . daz si vile wirdiclîchen
 5v,8 entviengen . nû habet ir vernomen diu
 5v,9 zwei dinc . dei in der wîssage gehiez . cum ait .
 5v,10 “tunc aperientur oculi etc” daz der blinden ougen ûf
 5v,11 getân wurden . unde der tôrn ôrn . wurden gehoerente .
 5v,12 nû schulet ir vernemen wie si halz wâren
 5v,13 unde stummen . dâ an wârn si halz . daz si den rehten
 5v,14 wec niht giengen . dô rihte der gotessun ire
 5v,15 stepfe . dô er ire herze erwachte . zuo dem wege der
 5v,16 himelischen heimuote . sô sint unseriu herze wole gerihet .
 5v,17 sô si niht – âwîchent weder ze der winstern .
 5v,18 noch ze der zeswen . diu zeswiu . dannen wir reden .
 5v,19 ist diu gotes barmeherze . diu winster . ist der unsælige
 5v,20 zwîvel . dannen sprach sanctus Isaias . “– est
 5v,21 uia anbulate in ea . neque at dexteram . neque at sinistram”
 5v,22 er sprach . sancte . Isaias . ich hân iu gelêrt den rehten wec .
 5v,23 an dem gêt noch . en âwîchet weder ze der zeswen .
- 6r,1 noch ze der winster . Judas . der got unsern hêren
 6r,2 verriet . unde die tiuvel die dankes vervielen . unde
 6r,3 dô gezwîveleten . die kêrten an die winster . Origenes
 6r,4 der geâwiggete ze harte an die zeswen . dâ
 6r,5 von . daz er predigete daz got sô genædic wære . daz
 6r,6 er nâch sîner urteile die tiuvel unde alle sîne nâchvolgære
 6r,7 lôste über tûsent jâre . von diu schulen wir
 6r,8 dem mitterm stîge volgen . wir schulen weder an
 6r,9 gote gezwîveln . noch ze harte ûf sîne barmeherze
 6r,10 sünden . dannen sprichet sanctus Dâvît . “beneplacitum
 6r,11 est domino super timentes eum . et in eis qui sperant super
 6r,12 misericordia eius” er sprach . daz got lindes gemüetes wære .
 6r,13 wider die in vorhten . unde die ze sîner barmeherze gedingen
 6r,14 hêten . iewederz hât er dar gesetzet . sancte . Dâvît .
 6r,15 rehten gedingen . unde got ze vûrhtenne . gedinge âne
 6r,16 vorhte . der ist unrehtiu balde . vorhte âne gedinge .
 6r,17 daz ist zwîvel . die zwô sache leitent einen iegelichen
 6r,18 süntær an den rehten wec . von dem selbem wege .
 6r,19 sprach . sancte . Johannes . “parate uiam domini . rectas semitas dei .
 nostri .”
 6r,20 er sprach . “machet den wec unsers hêren . rihtet
 6r,21 die stîge des heiligen Kristes .” an dem selbem stîge .
 6r,22 schulen wir springen . alsô ein hirz . alsô dâ geschriben
 6r,23 ist . saliet claudus sicut cerws . sô der hirz
- 6v,1 kumet ze sôgetânen steten die dornic sint . unde
 6v,2 lettich . sô hebet er sich ze springenne . unde springet
 6v,3 snelle dâr über . alsô schulen wir tuon . sô uns diu
 6v,4 giredede rîchtuomes begrîfe . diu emzicliche süntære
 6v,5 stichet . daz er nâch gewinne sorget . oder ob uns

6v,6 diu sünticliche bôsheit der unsæligen huorlust .
 6v,7 begrîfet . sô schulen wir mit vrumiclichem muote .
 6v,8 dâr über springen . unde schulen ditze gemüete dâ bekêren .
 6v,9 der hirz vermîdet dei tiefen teler . unde
 6v,10 ist gerne ûf der hoehe . alsô schulen wir mîden die
 6v,11 tiefen sünde . unde schulen îlen zuo dem hôhem himelrîche .
 6v,12 der hirz sô er eraltet . sô verslindet er den
 6v,13 übeln slangen . unde von der grôzen hitze diu denne
 6v,14 in im ist . sô îlet er zuo einem brunnen . alsô er
 6v,15 den getrinket . sô verlât er die alten hût . unde sîn
 6v,16 gehürne . unde wirdet junc . alsô schulen wir süntære
 6v,17 tuon . schulen den übeln slangen . den leidigen
 6v,18 vîant . nider slahen . schulen danne loufen zuo dem
 6v,19 lebentigem brunnen . dem heiligem Krist . sulen
 6v,20 unser alte hût dâ lâzen . waz ist diu hût . unser
 6v,21 übermuot . schulen unsich niuwe wizen . unser sünde
 6v,22 lâzen . gotelîchen nâch unser bîhte leben . daz
 6v,23 wir gesprechen mûgen mit . sancte Dâvît . “quem

7r,1 admodum desiderat ceruus at fontes aquarum .”
 7r,2 nû vernemet ouch mêre . “et apperta erit lingua mutorum .”
 7r,3 daz ist diu vierde suht . die unser hêrre geheilte .
 7r,4 die stummen machete er sprechente . dô unser hêrre
 7r,5 sprach . zuo der menige . “agite penitentiam .” “büezet
 7r,6 iuwer unreht .” die sich êr schameten . ire sünde bejehen
 7r,7 die begunden dô ze büezenne ire unreht . sancte Maria
 7r,8 Magdalena diu gerte antlâz . unde vant in . diu êr
 7r,9 stumme was . der heilige schâchære gerte antlâz
 7r,10 an dem kriuze . unde wart sîn gewert . der êr sîne sünde
 7r,11 verhal . nû haben wir iu geseit . waz nutzes diu
 7r,12 kunft des obersten arzâtes dirre werelt brâhte .
 7r,13 nû ist ervollet diu prophetia . daz die heiligen wîssage .
 7r,14 wîssagten . nû ist komen unser aller arzât . hât
 7r,15 die siechen geheilet . nû sehe iuwer iegelîche ob er siech
 7r,16 sî . an der sêle . iuwer aller ougen sint offen . von diu
 7r,17 daz ir an got geloubet . nû sehe iuwer iegelîche . daz
 7r,18 er iht tôre sî . daz ir daz goteswort iht vliehet oder
 7r,19 verwidert . hüetet iuch . daz iuwer dechein iht âwîche .
 7r,20 von dem rehtem wege . die aber iemer gevallen
 7r,21 sîn . die komen widere . ze rehter bekantnisse .
 7r,22 unze si daz zît haben . hier mac man riuwen . büezen .
 7r,23 vasten . almuosen geben . des mac alles dort

7v,1 niht sîn . vergebet alle einander sô gewinnet ir antlâz
 7v,2 iuwer sünde . unde gerihtet iuch in disem kurzem
 7v,3 zîte . daz ir iuwer heilant gemahellîchen entvâhen
 7v,4 müezet . in der andern künfte . sô er zornic
 7v,5 kumet . in sîner mankrefte . mit allen

- 7v,6 sînen engeln . ze erteilenne lebentegen unde tôten .
 7v,7 iegelîchem nâch sînen werken . sicherlîchen alsô
 7v,8 diu heilige schrift sprichet . dâ erbarmet er sich über
 7v,9 nieman . niuwan alsô iegelich mennische erschînet .
 7v,10 in dem selbem bilede wirdet er erteilet . nû
 7v,11 volget dem guotem . sancte . Paulo der uns râtet . “hora
 7v,12 est iam nos de somno . surgere .” er sprichet “nû ist diu wîle
 7v,13 daz wir von dem slâfe ûf schulen stên .” “abiciamus
 7v,14 ergo opera tenebrarum etc .” “wer got” sprichet . sancte . Paulus .
 7v,15 “liebiu kint . werfet von iu dei werc der vinster .
 7v,16 dei süntigen werc . huor . haz . übermuot . untriuwe .
 7v,17 lûge . ander houbethafte sünde . unde wætet iuch
 7v,18 mit dem gewæfene des obersten liehtes . vermîdet
 7v,19 überæze . trunkenheit . ander bôsheit . in disem
 7v,20 kurzem zîte . want er ein minnære ist . aller
 7v,21 reine . unde aller kiusche . dem ir wartet .” solte der
 7v,22 wereltlîche küninc komen . zuo iuwerm hûse . sô
 7v,23 ziertet ir ez . sô ir bezziste mahtet . von diu . zieret iuweriu

 8r,1 herze mit guoten tugenden . mit guoten werken .
 8r,2 unde tultet die heiligen kunft unsers hêren .
 8r,3 daz ir ze der andern künfte umbe iuwer unreht
 8r,4 iht verteilet werdet . wan alsô diu heilige schrift
 8r,5 sprichet . in sîner êrsten künfte . kom er vile senfter .
 8r,6 an der urteile . kumet er mit vile michelm
 8r,7 zorne . dâr umbe bitet in vile inniclîchen . sîner
 8r,8 genâde . daz er sînen zorn ruoche von uns ze kêrn . unde
 8r,9 ruoche uns verlihen rehtes gelouben . guotes lebenes .
 8r,10 daz wir an dem jungestem tage vroelîchen mit sînen
 8r,11 heiligen engeln . gevrôuwet müezen werden . adiuuante
 8r,12 eodem domino nostro . qui cum patre et spiritu sancto vivit et regnat deus
 per secula seculorum . âmên .
 8r,13 sermo . in natale domini apparvit
 8r,14 benignitas et humanitas saluatoris nostri . non
 8r,15 ex operibus iustitie que fecimus nos . set secundum misericordiam
 8r,16 suam salvos nos fecit . alsô ir vile dicke vernomen habet .
 8r,17 dô der leidige tiuvel verstôzen wart . durch
 8r,18 sîne übermuot . von dem himelrîche . dô neit er
 8r,19 daz . daz der mennische solte besitzen die genâde
 8r,20 die er verloren hête . unde geriet Adâme daz er
 8r,21 ouch geviel . dô erbarmete iz dem almehtigen
 8r,22 gote . daz elliu werlt die er geschaffen hête . solte
 8r,23 verloren werden . dô wart er enein . daz er einen

 8v,1 boten sande . unde den armen mennischen lôste .
 8v,2 zuo der losunge wolte er decheinen engel senden .
 8v,3 wande er wole wiste daz die engel ouch êr . gefallen wâr
 8v,4 von ire übermuote . nieman wolte er senden . von diu .

- 8v,5 daz er wole wiste . daz der arme mennische broeder
 8v,6 natûre wære . daz er lîhte sünde . dannen was sîn
 8v,7 nôtdurft . daz er den sande . der niemer sünden
 8v,8 mahte . von diu . sande er sînen einboren sun . unsern
 8v,9 hêrren den heiligen Krist . apparuit bennignitas etc
 8v,10 von diu . sprach wole . sancte . Paulus . “nû ist erschinen
 8v,11 diu genâde unde diu mennischheit . unsers heilandes .
 8v,12 wâr got unde wâr mennische . niuweht von decheinen
 8v,13 guoten werken . dei wir ie geworhten . sunder von
 8v,14 sîner grôzen barmeherze .” diu geburt unsers hêrren
 8v,15 wart eroffenet vile manic wîse . si wart eroffenet
 8v,16 von den heiligen engeln . hirten die ire schâfe huotten .
 8v,17 si wart ouch eroffenet von einem sterne . drîen
 8v,18 kûningen . man hât gelern . an dem heiligem evangeliô .
 8v,19 daz hirte wâr in dem lande . dâ unser hêrre
 8v,20 der gotessun geboren wart . wachente unde hûetente .
 8v,21 ire vihes umbe mittenacht . allen gâhes
 8v,22 stuont der heilige engel . sancte . Gabrîel bî in . unde vile
 8v,23 michel licht alumbe si . daz si in micheln vorhten
- 9r,1 wâr . dô sprach der engel zuo in . “niwet vûrhtet iu . wande ich tuon iu
 9r,2 hier ze stete kûndunge . diu aller werlt ze vrôuweden
 9r,3 wirdet . von diu . daz iu hiute geboren ist . der heilant
 9r,4 dirre werlt . Christus selbe in der stat Dâvît ze Bêthlêhêm .
 9r,5 daz sî iuwer zeichen . ir vindet” sprach der engel
 9r,6 “ein kint . mit tûechelînen gewindeletez . ist
 9r,7 geleit in eine krippe .” sâr ze stunten kom dar michel
 9r,8 menige des himelischen heres . zuo sancte Gabrîeli
 9r,9 lobeten si got . sîner genâde . unde sungen
 9r,10 “gloria in excelsis deo .” dô sôgetâne boteschaft die
 9r,11 guoten hirte vernâmen . dô rieten si einander .
 9r,12 “eamus usque in bethlehem .” si sprâchen . “gên wir
 9r,13 zuo Bêthlêhêm . unde besehen ob daz wâr sî . daz
 9r,14 uns der engel hât gekûndet .” dô si dar kômen .
 9r,15 dô vunten si alsô er in geseit hête . daz was michel
 9r,16 reht . daz ein engel die boteschaft wûrbe . von
 9r,17 diu . daz aller engel kûninc geboren wart . unde
 9r,18 was reht . daz er mit michelme liehte dâ erschine .
 9r,19 von diu . daz er den wâr sunnen in dirre vinster
 9r,20 eroffenete . wesen offenbâre entrunnen . den
 9r,21 hirten wart er durch daz gekûndet . daz der geboren
 9r,22 wart der dâ sprach . “ego sum pastor bonus”
 9r,23 er sprach . “ich bin ein guot hirte . mîne sêle setze
- 9v,1 ich vûre mîniu schâf .” von einem sterne wart er
 9v,2 eroffenet drîen kûningen . von diu . daz dâ geboren
 9v,3 wart . der eine kûninc ist aller kûninge . unde ein
 9v,4 sterne ist aller sterne . von diu was reht . daz der

9v,5 selbe gotessun gekündet wart hirten unde künigen .
 9v,6 wan er beidiu was . küninc unde êwart . geboren
 9v,7 von küninclîchem unde von êwartlîchem
 9v,8 geslehte . von küninclîchem geslehte was er geboren wande er was ûz
 küniges Dâvides geslehte von êwartlîchem geslehte was er
 9v,9 ouch geboren . wan diu heilige schrift seit uns .
 9v,10 daz unser vrouwe . sancte . Marîe niftel was der vrouwen
 9v,11 Elisabêt . sancte . Johannis muoter . der vrône bote
 9v,12 sancte . Gabríel . warp die boteschaft . nû vernemet
 9v,13 wie er zuo den hirten sprach . “ecce euangelizo uobis
 9v,14 gaudium magnum . quia hodie natus est saluator .”
 9v,15 “ich künde iu” sprach der heilige engel . “grôze
 9v,16 mandunge . geboren ist der heilant dirre werlt .”
 9v,17 gewisse was daz grôziu mandunge . allez mankünne
 9v,18 was êr in vangnusse . des êwigen tôdes .
 9v,19 nû ist geboren der heilant dirre werlt . nû ist
 9v,20 geboren der arzât aller sêle . von diu ist guot ze vrôuwenne .
 9v,21 die heiligen engel vrôuwent sich der gebürte
 9v,22 unsers hêrren . daz der zehende kôr solte
 9v,23 wider geavert werden . dannen der tiuvel

10r,1 was vertriben . unde alle sîne nâchvolgære unde
 10r,2 sungen . “gloria in excelsis deo . et in terra pax hominibus bone voluntatis
 .”
 10r,3 “lop unde êre sî gote in den himeln . vride ûf der
 10r,4 erde . den mennischen guotes willen .” vride wart
 10r,5 gekündet den mennischen die guotes willen
 10r,6 wâr . daz schulet ir merken . umbe waz gesprochen
 10r,7 sî guotes willen . der gevüezet daz guote .
 10r,8 dâ diu stat guoter werke niht mac sîn . wan
 10r,9 diu guote wîle hilfet – – . – – –
 10r,10 vile dicke . vüre diu werc . guotiu werc . vrument
 10r,11 aber niht . dâ en sî der guote wille . nû
 10r,12 haben wir iu gesaget . wie erschinen ist diu
 10r,13 goteheit . unde diu mennischheit unsers heilandes .
 10r,14 nû schulen wir iuch niht verswîgen .
 10r,15 die antreite sîner gebürte . dannen spricht . sancte . Isaias
 10r,16 der heilige wîssage . “egredietur uirga de radice
 10r,17 Iesse . et flos de radice eius ascendet” er wîssagete daz ein
 10r,18 gerte entsprünge . von der wurze Jesse . unde
 10r,19 ein bluome von dem selbem sâmen . daz selbe
 10r,20 zeichen wart eroffenet . wîlen . dô die juden
 10r,21 ûzer Egiptô vuoren . dô gebôt got dem heiligem
 10r,22 Moisi daz er zwelive gerte durre leite . von
 10r,23 den zweliven geslahten Jakobes . in ire betehûs .

10v,1 der was einiu Aarones . des andern morgenes wart .
 10v,2 dô hête diu gerte Aarones bluomen unde este . nûzze

10v,3 gewonnen . nû sint ervüllet beidiu diu alte bezeichnungen .
 10v,4 unde diu heilige prophetia . Jesse
 10v,5 was vater des küniges Dâvît . diu wurze Jesse bezeichnenete
 10v,6 unser vrouwen . sancte . Marîen . der bluome
 10v,7 ist der gotessun . daz selbe bezeichnenete diu gerte .
 10v,8 Aarones . diu âne saf nütze gebar . sancte . Marîe . diu
 10v,9 âne mannes sâmen den heiligen Christum gebære .
 10v,10 ein nuz hât driu an ire rinde . schale . kern . diu
 10v,11 bitter rinde . bezeichnenet daz vleisch unsers hêrren .
 10v,12 daz die martire an sich nam . diu schal . bezeichnenet
 10v,13 diu lider . unsers hêrren . der kern bezeichnenet
 10v,14 die lûtern gottheit . diu sælige geburt
 10v,15 unsers hêrren . ist bezeichnenet mit einem tiere
 10v,16 vile vreissam . heizet einhürne . von diu . daz
 10v,17 iz niuwan eines hornes hât . daz mac nieman
 10v,18 gevâhen . wan mit einer megede . die zieret man
 10v,19 mit vile schoener wât . unde setzet si an daz velt .
 10v,20 dâ iz hin löufet . sô iz danne dar kumet . sô leit
 10v,21 iz sich in ire schôz . unde wirdet alsô gevangen .
 10v,22 daz tier bezeichnenet den heiligen Krist . sîn
 10v,23 horn gotes kraft . der ruochte sich ze neigenne .

11r,1 in daz schôz . unser vrouwen . sancte . Marîen . ruochte
 11r,2 mennische werden . ruochte gevangen werden .
 11r,3 durch uns gemartert werden . als hiute wart
 11r,4 ervüllet diu boteschaft . die der heilige engel . sancte .
 11r,5 Gabriêl warp . dô kom iz alsô daz . sancte . Josepch
 11r,6 varen solte . zuo Bêthlêhêm mit unser vrouwen
 11r,7 sancte . Marîen . dô si dô unterwegs kômen
 11r,8 dô was daz zît ervüllet . daz . sancte . Marîe den gotessun
 11r,9 gebern solte . alsô drâte kêrte si in
 11r,10 einen stal . unde gebar unsern hêrren den heiligen
 11r,11 Christum . leite in in eine krippe . dâ der esel .
 11r,12 unde der ohse ûz âzen . danne wîssagete . sancte . Isaias .
 11r,13 “cognovit bos possessorem suum . et asinus
 11r,14 presepe domini sui .” wole erkanten der esel unde daz
 11r,15 rint . daz heilige goteskind . wie mahte sîn
 11r,16 genâde grôzer wider uns sîn . denne daz der rîche
 11r,17 gotessun . durch uns ruochte arm werden .
 11r,18 des himel unde erde ist . ruochte in einen barme
 11r,19 ze ligenne . hiute hât diu sieche werelt von ire sünden
 11r,20 entvagen daz êwige heil . hiute hât der
 11r,21 êr gevangen was von dem leidigem tiuvel . vrîtuom
 11r,22 gewonnen . hiute ist den verellenteten mennischen
 11r,23 sîn erbe eroffenet . von diu . hebet ûf iuwer sêle

11v,1 unde gereinet iuwer herze . gegen einem sôgetânem
 11v,2 künige . unde entvâhet in vile durnehtlîchen

11v,3 mit vröuweden hier in disem boesem broeden
 11v,4 lebene . daz er uns her nâch genædiclîchen ruoche
 11v,5 entwâhen in der himelischen Jerusalêm . qui
 11v,6 viuit et regnat deus per in octaua . domini .
 11v,7 dvm consummati essent dies
 11v,8 octo . ut circumcideretur puer . uocatum
 11v,9 est nomen eius iesus quot uocatum est ap angelo priusquam
 11v,10 in utero conciperetur . daz sint kurziu wort . sancte . euangeliî
 11v,11 unde sint iedoch tief . mit vile maniger bezeichnenunge .
 11v,12 der heilige euangelista . sancte . Lucas schrîbet
 11v,13 daz hêre euangelium . unde sprichet . “dô ervüllet
 11v,14 wurden ahte tage . daz daz kint besniten solte
 11v,15 werden . dô wart iz geheizen Jêsus . den namen
 11v,16 gap im der heilige engel . ê daz sîn muoter sîn
 11v,17 swanger würde .” daz sint di êwirdiclîchen
 11v,18 mandunge . dirre hiutigen hôchzît . daz ist
 11v,19 diu tult des heiligen tages . daz sint die heiligen
 11v,20 gebe . der oberesten genâde . die der heilige
 11v,21 bote . sancte . Paulus allen guoten liuten bevilhet
 11v,22 ze behaltenne . ubi venit plenitudo temporis misit deus filium suum etc .
 er
 11v,23 sprichet . “dô diu vülle des zîtes kom . dô sande

12r,1 got sînen sun geboren von einem wîbe . under
 12r,2 der ê daz er die erlôste . die under der ê wâr .
 12r,3 daz ouch wir den wunsch sîner kinde entviengen .”
 12r,4 dô unser hêre der almechtige got ruochte
 12r,5 in dise werlt ze kômenne . unde er unser mennischliche
 12r,6 broede an sich genam . dô wolte er ouch
 12r,7 allez daz ervüllen daz diu ê gebôt . diu alte ê gebôt .
 12r,8 daz ein iegelich degenkint an dem ahtoden
 12r,9 tage besniten würde . unde an dem vierzigsten
 12r,10 tage nâch sîner gebûrte . des kindes
 12r,11 muoter mit opfere . ze kirechen kome . des
 12r,12 alles was unser hêre gehôrsam worden sîner
 12r,13 gebote . alsô hiute an dem ahtodem tage . lie
 12r,14 er sich besnîden . an disem vleische . dâr ane
 12r,15 sünde was kômen in dise werelt . diu alte ê .
 12r,16 brâhte die selben genâde den kinden die besniten
 12r,17 wurden . daz si ledic wâr der sünde .
 12r,18 die si von Adâme hêten . alsô diu hêre toufe nû
 12r,19 vrumet den . die getoufet werdent . wan des
 12r,20 einen . daz si in daz himelrîche niht kômen .
 12r,21 mahten . êr der geboren wart der uns daz himelrîche
 12r,22 entslôz . mit sîn selbes tôde . daz er hiute
 12r,23 ruochte namen an sich ze nemenne . daz er Jêsus hieze .

12v,1 an dem tage dâ er besniten wart . daz tet er ze nâchvolge .

12v,2 des êrren gebotes . daz . sancte . Abraham
 12v,3 von im vernam . unde iz mit den werken ervulte .
 12v,4 dô . sancte Abraham von unserm hêrren vernam
 12v,5 einen geheize . daz von sînem geslehte geboren
 12v,6 solte werden der gotessun . dâr umbe minnete
 12v,7 er got mêre . denne allez daz . daz er hête . unde ervulte
 12v,8 elliu sîniu gebot . mit vorhten . dô satzte im
 12v,9 got eine ê . daz er sich hieze besnîden an sîner
 12v,10 geschaft . unde die gewoneheit lieze sînen afterkomen
 12v,11 des selben tages dô er besniten wart . dô
 12v,12 mêrte im got sînen namen . êr hiez er Abram .
 12v,13 daz ist geantvristet oberester vater . dâ nâch Abraham
 12v,14 daz quît vater vile maniger diete . der vile
 12v,15 getriuwelich geheiz . der ist nû sô ervüllet
 12v,16 über alle werlt . daz ouch wir sîntære . wir
 12v,17 dâ geladet biren ze dem heiligem gelouben von
 12v,18 der heidenschefte . des schulen wir unsich vrôuwen .
 12v,19 daz wir in ze geistlichem vater haben
 12v,20 gewonnen . alsô der heilige Paulus sprichet .
 12v,21 “si autem uos Christi . semen Abrahê estis .” er quît
 12v,22 “alle die Kristes sint . die sint Abrahames geslehte .
 12v,23 die sint ouch nâch sînem geheize erben

13r,1 des himelrîches .” dâ nâch sprach unser hêrre ze
 13r,2 Abrahamen . “et Saraier . set Saram .” dîne konen
 13r,3 Saray . die solt dû niemer heizen Saray . daz ist
 13r,4 geantvrist . mîne vrouwen . si sol heizen Sara .
 13r,5 daz quît vürste . von diu . daz si sol sîn vürste aller
 13r,6 guoten wîbe . unde muoter guoter sêle . sicut
 13r,7 Sara obediebat Abrahê . uocans eum dominum . cuius
 13r,8 estis filie beneficientes et non timentes ullam
 13r,9 perturbationem . sanctus Petrus . dô er sach daz vile
 13r,10 manic wîp von der heidenschaft geloubic
 13r,11 wart . dô ladete er si ze diemuote . ze kiusche . daz
 13r,12 si bilede nâmen von ire muoter der vrouwen Sara .
 13r,13 unde sprach . alsô Sara gehôrsamete Abrahamen .
 13r,14 unde hiez in ire hêrren . der tohter ir bîret . sam
 13r,15 schulet ir guotlichen leben alsô von rehte ire tôhter .
 13r,16 dise rede haben wir iu durch daz geseit . daz
 13r,17 ir iuch vrôuwet sôgetâner vrôuwede . in der genôzschafft
 13r,18 ir mit dem heiligem gelouben . mit der
 13r,19 heiligen toufe sît geladet . nû ist besniten hiute
 13r,20 der heilant . unde hât entvungen einen namen .
 13r,21 heizet Jêsus Christus . in dem namen wir
 13r,22 alle genesen schulen . an der sêle . waz der name
 13r,23 bezeichene . daz mahten wir vile übel errechen .

13v,1 hête in der heilige engel niht geantvristet . der

- 13v,2 heilige engel sprach . “dîn kint Maria sol heizen
 13v,3 Jêsus . heilant von diu . daz er sîn liute geheilet
 13v,4 hât . von allen ire sünden .” daz schulen wir
 13v,5 gelouben . unde gedingen . daz er unsich niwet eingenôte
 13v,6 heilet von den sünden sunder . joch von dem
 13v,7 êwigem tôde . alsô uns Dâvît geheizet . qui
 13v,8 propitiatur omnibus iniquitatibus tuis . qui sanat
 13v,9 onmes infirmitates tuas . denne allerêrste werden
 13v,10 wir wêrlîchen unde lûterlîchen besniten . sô
 13v,11 wir mit sêle unde mit lîbe an dem jungestem
 13v,12 tage erstên . unde nâch der urteile komen vûre
 13v,13 gotes ougen . sehs alter sint uns erzeiget in disem
 13v,14 lebene . in den wir durch got arbeiten schulen .
 13v,15 daz wir die êwigen genâde besitzen . daz diz
 13v,16 sibende ist . in einer werlt . dâ wir ruowen unze
 13v,17 an die urstende . ouch daz ahtode alter ist diu
 13v,18 heilige urstende . daz en gewinnet niemer ende .
 13v,19 dâ nâch en beswæret der lîp niemer mêr die
 13v,20 sêle . von diu ist uns nôtdurft mîne vile lieben .
 13v,21 alle die in die vrôuwede komen wellen . daz si ire
 13v,22 vleisch hier besnîden von aller slahte âkuste . unde
 13v,23 ziehen ab den alten man . der ie nâch der giredede
 14r,1 des vleisches lebete . unde legen an den niuwen
 14r,2 man der nâch gote gebiledet ist . mit heilicheit
 14r,3 in dem rehte aller wârheit . nû mîne vile lieben .
 14r,4 besnîdet hiute dei ôrn iuwers herzen . von
 14r,5 unnützelîchen gehoerden . besnîdet iuweriu ougen .
 14r,6 von unsæliclichem gesiune . iuweriu naselôcher .
 14r,7 von übelm wâze . iuwarn munt . von übelm smacke .
 14r,8 iuwer herze . von übeln gedanken . iuwer zungen .
 14r,9 von übeln Worten . iuwer hende von übeln
 14r,10 griffen . daz der übele tôt . iemer komen mege
 14r,11 zuo unser sêle . besnîdet . alsô wir gesprochen haben
 14r,12 hiute . iuwer herze mit steinînen mezzern .
 14r,13 waz sint diu steinînen mezzern . daz ist rechter
 14r,14 geloube . rechter gedinge . diu wære minne . dâ wir
 14r,15 uns tagelîchen besnîden schulen . daz wir an
 14r,16 dem ahtodem tage der heiligen urstende . alsô
 14r,17 erstên müezen . daz wir râwiclîchen vûre gotes
 14r,18 ougen komen müezen . âne sünde . in der niuwe
 14r,19 des heiligen lebenes . prestante donimo nostro qui vivit et regnat deus .
 14r,20 âmên
 14r,20 per secula seculorum . âmên .
 33v,23 –[...] daz klaget Dâvît .

- 34r,1 “circumdederunt me gemitus . mortis . dolores inferni circumdederunt me
.”
- 34r,2 dô er sprach “mich habent begriffen diu leit
34r,3 des übeln tôdes . diu sêre der grimmigen helle
34r,4 habent mich gefangen .” die sibenzic tage
34r,5 dâ wir nû inne sîn . die sint uns bezeichnen .
34r,6 mit sibenzic jâren . dei die juden in vangnusse
34r,7 wâr . mit noeten unde mit angesten .
34r,8 in dem lande regis Assyriorum . daz was vore
34r,9 Kristes gebürte . dô hêten die juden in Jerusalem
34r,10 wider got vile harte getân . hêten got ire hêren .
34r,11 der si ûz Egiptelande vuorte . unde in daz bezziste
34r,12 lant daz ûf der erde ist vergeben gap . den
34r,13 hêten si verlâzen unde beteten an ire apgot . dâr
34r,14 umbe liez si got unde verhangte über si grôzes
34r,15 valles . dâr kom der küninc von Babilônia .
34r,16 Nabuchodonosor . besaz Jerusalem . an dem zehendem
34r,17 jâre gewan er Jerusalem . unde ersluoc die
34r,18 tiuresten alle die dâ wâr . blande den küninc .
34r,19 unde sluoc im elliu sîniu kint vore sînen
34r,20 ougen . unde vuorte in dô blinden mit allen den
34r,21 die dâ vrume wâr ze Babilônia . dâ nâch vuor
34r,22 des küniges koch . der hieze Nabuzardan . wider
34r,23 zuo Jerusalem . unde nam allez daz volc . daz sîn
- 34v,1 hêre der küninc dâ verlâzen hête . er vuorte iz
34v,2 allez ze Babilône . dâ wâren si sibenzic jâre
34v,3 in vangnusse . mit herwem dieneste . unze daz
34v,4 sich got über si erbarmete . daz er si dannen lôste .
34v,5 nû schulet ir merken mîne vile lieben . waz
34v,6 bezeichnenunge disiu rede habe . Assur bezeichnenet
34v,7 übermuot . Babilôn schande . Nabuchodonosor
34v,8 den tiuvel . dei kint Babilônis . hellekint . Jerusalem .
34v,9 ein gesiune des vrides . der oberesten heimuote .
34v,10 dannen verleitte uns Nabuchodonosor der übele
34v,11 tiuvel . unde vuorte in Babilôniam zuo der êwigen
34v,12 schande . setzet unsich zuo den Babilônis
34v,13 kinden . wer sint diu . daz sint irrære . trügelîche
34v,14 kristene . heidene . unde alle die . die übel tuont .
34v,15 unde daz niht bûezen wellent . nû vernemet
34v,16 ouch mêre . dô die arme juden ze Babilônia sâzen
34v,17 mit sêre . dô sprâchen zuo in die hêren
34v,18 in Babilônia . “– nobis de canticis sieron .”
34v,19 “singet .” sprâchen si in zuo . “uns des vroelîchen sanges .
34v,20 daz ir in Jerusalem sunget .” des antwürten in
34v,21 die gefangen . mit den worten . dei wir hiute sprâchen .
34v,22 “– cantabimus canticum domini in terra
34v,23 aliena .” “wie mahten wir singen daz gotes

35r,1 sanc in vremedeme lande .” si oblitus fuero
 35r,2 tui ierusalem . obliuiscatur me dextera . “ob wir iemer ergezzen”
 35r,3 sprâchen si . “unsere heimuote Jerusalêm .
 35r,4 sô vergezze unser got .” waz tâten si dô . dâ sâzen
 35r,5 si zuo dem wazzer dâ ze Babilôniae . unde wuoften
 35r,6 swenne si gehügten an Jerusalêm . sô hangten
 35r,7 ire seitespil an den widen die bî deme wazzer
 35r,8 stuonten . dannen sprâchen . – . – . “– flumina Babilônis
 35r,9 sedimus et fleuimus . dum recordaremur
 35r,10 syon .” daz selbe allez bileden . wir iu
 35r,11 jærliche in der heiligen kristenheit . ze disem zîte .
 35r,12 want alsô si alle tage warten . wenne si got
 35r,13 erlôste von ire vangnusse . unde si widere ruochte
 35r,14 ze bringenne . in terram promissionis . sam schulen
 35r,15 wir mit vastene . mit arbeite . unde mit kirchgangen
 35r,16 warten der gotes urstende . unde der erloesunge
 35r,17 unserre armen sêle . wan alsô daz jüdische
 35r,18 volc durch sînen übermuot . daz si gotes
 35r,19 gebot übergiengen . unde gevuort wurden in babierloniam .
 35r,20 alsô schulen wir nû dise sibenzic
 35r,21 tage uns selbe mit gotesdienste quelen . sulen
 35r,22 unser sünde weinen . gote tagelîchen klagen
 35r,23 unser missetât . schulen wuofente sprechen alsô

 35v,1 si sprâchen “quomodo cantabimus canticum etc .” daz vremede
 35v,2 lant dâ wir inne biren . daz ist ditze
 35v,3 ellende . swer der ist . der daz ane denket . daz
 35v,4 er hier ellende ist . dem ist niht sô unmære . sô
 35v,5 disiu wereltliche vröuwede . der spart sîn sanc
 35v,6 unze daz . er widerkome . zuo Jerusalêm in die himelischen
 35v,7 heimuote denne baltlîchen . super
 35v,8 flumina babilonis etc . dei wazzer babierlonis . sint diu
 35v,9 zerganclichiu dinc dirre werelt . wan alsô dei
 35v,10 wazzer ze tal sîgent . sam müezen wir ze tal sîgen
 35v,11 zuo dem tôde . ûf die widen hengen wir
 35v,12 unseriu seitspil . von diu . daz wir dei gotes wort .
 35v,13 den gotes widerwarten . niht vüre legen schulen .
 35v,14 alsô er sprichet . “– sanctum dare canibus” hiute
 35v,15 sagen wir iu . wie Nabuzardan der ein vürste
 35v,16 was des küniges koch . wie er ouch ze Jerusalêm
 35v,17 kom . unde zervuorte si . unde vuorte in sîn lant
 35v,18 die êr dâ bestanten wâr . waz daz bezeichnenet .
 35v,19 daz sulet ir vernemen . der vürste bezeichnenet
 35v,20 die gelüste unsers vleisches kelgîte unde aller
 35v,21 slahte girischheit . von sôgetâner seite wirdet gevangen
 35v,22 ein iegelîche kristen . von Nabuzardan .
 35v,23 von huore . unde von huores gelüste . unde alsô

36r,1 er dâ ze Jerusalem die edelen hêrren sluoc . sam
 36r,2 derbet überæze . unde übertrunkenheit unser
 36r,3 edele sêle . alsô dâ geschriben ist . saturitas
 36r,4 ciborum perdidit ierusalem . “diu übermâze maniger
 36r,5 ezzene . verlôs Jerusalem .” Jerusalem ist geantvristet
 36r,6 ein gesiune des vrides . wan alle die iemer
 36r,7 gesehen wellent die himelischen Jerusalem . die
 36r,8 müezen ire vleische briteln . von sünticlichen
 36r,9 gireden . die daz fleisch vile gerne hânt . nû habet
 36r,10 ir vernomen von der heiligen schrift . wannen
 36r,11 diu gewoneheit sich huop . dise sibenzic tage
 36r,12 mit arbeite leben . nû arbeitet dâ nâch . in
 36r,13 disen tagen . daz ir von der vangnusse dirre
 36r,14 werelt . erloeset werdet . unde komen müezet
 36r,15 zuo dem geheizenem lande . daz uns geheizen
 36r,16 ist . dannen . sancte . Dâvît schrîbet . credo uidere
 36r,17 bona domini in terra uiuentium “ich gedinge”
 36r,18 sprach . sancte . Dâvît . “daz ich gesehe die süeze mînes
 36r,19 hêrren . in dem lebentigem lande .” waz ist
 36r,20 diu lebentige erde . diu himelische Jerusalem . dâ
 36r,21 die heiligen engel . unde aller heiligen sêle inne
 36r,22 sint . unde ouch wir gedingen haben ze komenne .
 36r,23 von der barmeherze unsers hêrren die oberesten

36v,1 genâde dâ ze bestênne . quot ipse prestare dignetur .
 36v,2 sermo in quadragesima ecce nunc tempus acceptabile .
 36v,3 ecce nunc dies salutis . in his ergo diebus
 36v,4 exhibeamus nos . sicut dei ministros . in multa
 36v,5 patientia . in uigiliis . in ieuniis . et cetera . zwô stete sint .
 36v,6 die habent ouch zwêne hêrren misselich . einiu ist
 36v,7 des heiligen Kristes . diu ander des übeln tiuvels .
 36v,8 einez ist diu helle . daz ander daz schoene himelrîche .
 36v,9 in der ieweder ist ein hîwische . die guoten
 36v,10 unde die übelen . die gotesrîtær werdent gebrievet
 36v,11 an deme buoche der lebentigen . die
 36v,12 schalke des tiuvels . werdent begraben zuo den
 36v,13 hellewarten . von den ist geschriben delectantur
 36v,14 de libro uiuentium . et cum iustis non scribantur .
 36v,15 “vertîliget werden si abe dem lebentigem buoche .
 36v,16 unde werden niht geschriben zuo den rehten .”
 36v,17 umbe waz werdent die übeln zuo den unreinen
 36v,18 geisten gestôzen . dâr umbe . daz si
 36v,19 verlâzen habent den brunnen des lebentigen
 36v,20 wazzers . den heiligen Krist . der ein brunne
 36v,21 ist des êwigen guotes . der des brunnen getrinket .
 36v,22 den gedürstet niemer mêre . von diu . daz er
 36v,23 im alle sîne sünde vertîliget . unde ime gît

- 37r,1 die genuhtsame des êwigen lebenes . nû habet
 37r,2 ir vernomen wie egeslich urteile über iuch getân
 37r,3 ist . umbe iuwer sünde . sît ir ze der helle geahet .
 37r,4 von übelen werken vile herwez lôn . von
 37r,5 übeleme werke übel wuocher . von schantlîcher
 37r,6 rîterscheffe . schantlîchiu corona . diu vuore der sünden
 37r,7 alsô . sancte . Paulus sprichet ist der herwe tât .
 37r,8 diu vuore ist niwet wîlgelich . niwet zerganlich .
 37r,9 si ist leider âne ende . von diu biren wir arme süntære
 37r,10 blint . daz wir daz êwige leben lâzen . unde
 37r,11 îlen in den tât . in der helle ist dechein urlôse .
 37r,12 dechein nütziu bîhte . dannen sprichet . sancte . Dâvât .
 37r,13 “– est in morte qui memor sit tui . in inferno
 37r,14 autem quis confitebitur tibi” enhein tât gehüget
 37r,15 an got . in der helle ist aber nieman der gote
 37r,16 sîne bîhte tuo . nû schulet ir alliclîche die rede
 37r,17 nützelîche verstên . der rîche dannen unser
 37r,18 hêrre der gotessun in dem heiligem evangelio
 37r,19 seit . der Lazarô sîne broseme verseite . dô er begraben
 37r,20 wart in der helle . dô rûwen in sîne sünde
 37r,21 vile harte . er bejach vile riuwiclîche sîne missetât
 37r,22 . sancte . Abrahame . daz allez half niht . wan
 37r,23 iz was allez unnütze . wâ von . dâ hât uns
- 37v,1 got in diseme lebene state gegeben . ze riuwe . ze
 37v,2 bîhte . ze buoze . swer sich hier versûmet . der hât
 37v,3 gar verloren . dannen sprichet . sancte . Paulus “operemur
 37v,4 bonum dum tempus habemus .” “würken
 37v,5 wir guot unze wir daz zît haben .” dannen
 37v,6 sprichet . ouch unser hêrre durch den munt sînes
 37v,7 wîssagen . “– placito exaudiui te .
 37v,8 et in die salutis adiuui te .” er sprach . “in gevelliclichem
 37v,9 zîte vernam ich dîn gebet . unde
 37v,10 in deme tage des heiles half ich dir .” ze allen
 37v,11 zîten wære vile sæliclîche . daz sich der mennische
 37v,12 gerehte ze sîner hineverte . der ist leider lützel die
 37v,13 daz tuon . von diu sint uns nû ûz genomen dise
 37v,14 vierzic tage . in den wir dem leidigem vîande
 37v,15 verre widerstên schulen . unde schulen unsich
 37v,16 gote nâhen . mit riuwigem herzen . mit aller slahte
 37v,17 güete . dannen hât geschriben . sancte . Paulus . ecce
 37v,18 nunc tempus acceptabile et cetera . ditze ist ein
 37v,19 entvenclich zît . jene sint die tage . des heiles .
 37v,20 waz meint er dâ mite . “hier in diseme lebene”
 37v,21 sprach . sancte . Paulus “ist ein gevelliclich zît . sünde
 37v,22 ze riuwenne . sîne bîhte ze tuon . rehte buoze leitenne .
 37v,23 betenne . wachenne . vastenne . anderiu guoten werke

38r,1 ze vrumenne” in diseme zîte vernimet iuch got . in
 38r,2 diseme zîte meget ir wole erwerben daz heil iuwerre
 38r,3 sêle . nû merket ouch mêre . der tage sint
 38r,4 zwêne . ein tac des mennischen . der ander gotes .
 38r,5 der tac der mennischen . wert alsô lange unz
 38r,6 si langest lebent . hier sint die mennische in ir
 38r,7 selber gewalte . sweder si wellen nâch deme
 38r,8 himelrîche arbeiten . oder nâch der helle werke .
 38r,9 aber ist der tac dirre mennischen alsô
 38r,10 lange . sô si in der liute gewalte sint . wer sint
 38r,11 die liute . daz sint die êwarten . die
 38r,12 habent den gewalt von gote . daz
 38r,13 si den mennischen ire sünde vergeben mûgen .
 38r,14 binden swen si wellent . loesen swen si wellent .
 38r,15 hier in dirre werelt . verrer gereichet ire gewalt
 38r,16 niht . got hât eine den gewalt . ze gebenne iegelîchem
 38r,17 nâch dem tôde . genâde . oder ungenâde .
 38r,18 von diu ist unsers hêrren tac nâch unserme
 38r,19 tôde . denne sint diu mennischen in gotes gewalt .
 38r,20 daz si denne nâch ire willen . weder ze
 38r,21 himele . noch ze helle werdent gevüeret . sunder
 38r,22 nâch sînen genâden . unde nâch sîneme rehte
 38r,23 entwâhen müezen daz er wile . nâch dem tôde .

 38v,1 ist gotes tac . von diu . daz er denne erschînet alsô
 38v,2 er ist . dannen ist geschriben . “– domini
 38v,3 sicut . fur ita in nocte ueniet .” “der tac unsers hêrren .
 38v,4 der kumet alsô der diep in der naht .” von
 38v,5 diu . bedurften wir niht entwâlen . in ditze ellende
 38v,6 biren wir geworfen . daz wir hier gearnen wider
 38v,7 in unser heimuote ze komenne . unser erbe
 38v,8 ze besitzenne . alsô wir hier wûrken . alsô wirdet uns
 38v,9 dort gelônnet . sæjen wir hier wole . wir snîden
 38v,10 dort desten baz . tempus breue est . dei wort sprichet
 38v,11 . sancte . Paulus . ditze zît ist kurz
 38v,12 diu werelt diu zergê . nû bîtet
 38v,13 er tagelîchen von wîle ze wîle unser bekêrde .
 38v,14 der dâ sprach in dem evangelio . “malo uitam
 38v,15 peccatoris quam mortem . ut conuertatur et uiuat .”
 38v,16 “mir ist leider” sprach unser hêrre . “des sîntæres
 38v,17 leben . denne sîn tût . ich wile daz er sich bekêre
 38v,18 unde êwîclîche lebe .” nû wartet er daz
 38v,19 wir unser unreht bûezen . ist daz wir hier
 38v,20 niht bûezen . sô müezen wir her nâch lîden
 38v,21 sînen zorn . alsô . sancte . Paulus uns seit . “ignoras
 38v,22 quia benignitas dei te at penitentiam ducit .”
 38v,23 er sprichet zuo den sîntærn . “weist dû des

- 39r,1 niht . daz diu gotes güete dich leitet ze rechter riuwe .
 39r,2 aber nâch dîner herte . unde nâch unriuwigem
 39r,3 herzen . schatzest dû dir einen grimmigen
 39r,4 zorn an dem tage sînes zornes .” wenne
 39r,5 reizet got sînen zorn . an der urteile . “stant ûf”
 39r,6 sprichet der heilige bote “von dem vleische . stant
 39r,7 ûf von den tôten . sô beluhtet dir Krist .” nû
 39r,8 slâfen wir . von diu . daz wir vergezzen haben
 39r,9 der himelischen heimuote . hier minnen wir
 39r,10 leider mêre den wereltlichen rîchtuom . denne
 39r,11 daz êwige rîche . an der gotes urteile sô wir
 39r,12 ûf stên von dem tôde . sô vinden wir niht . sô
 39r,13 stên wir bar . nacket kômen wir here . nacket
 39r,14 varen wir hin . von diu . wecket iuwer herze von
 39r,15 dem tûdelîchem slâfe . sendet vûre iuch . daz ir
 39r,16 dort etewaz vindet . lât iuch iuwer unreht riuwen .
 39r,17 bejehet iuwerre sünde mit durnehticlicher
 39r,18 bekêrde . leider iz sint vile manige . die sô unruochlich
 39r,19 sint . sô si ire bihte tuont . daz si âne riuwe
 39r,20 unde âne zaher sagent daz si denne wellent .
 39r,21 diu bihte ist unnütze . wie sælic die zaher
 39r,22 sint . daz schulet ir dâ von wîzen . sancte . Petrus .
 39r,23 dô er gotes drî stunte verlougenete . daz en zelt
- 39v,1 dechein buoch . waz er spræche . wan daz eine .
 39v,2 daz er bitterlichen weinete . sancte . Maria Magdalena
 39v,3 der got ire sünde vergap . diu twuoc gote sîne
 39v,4 vuoze mit ire zahern . ire riuwe erzeigete si mit
 39v,5 manigem trahene . dannen sprach . sancte . Dâvît .
 39v,6 “– per singulas noctes lectum meum .” “ich
 39v,7 wasche alle naht mîn bette mit mînen zahern .”
 39v,8 diu heilige schrift sprichet . daz wir unser
 39v,9 sünde megen vertîligen . mit unsern trahenen .
 39v,10 sam si vertîliget wurden in der toufe . nû
 39v,11 ist niwet gevelliclich . daz wir an der stunte
 39v,12 getoufet werden in der wazzertoufe . von diu
 39v,13 müezen wir unser missetât . mit unsern zahern
 39v,14 ab waschen . daz ist der sâme dannen . sancte .
 39v,15 Dâvît sprichet . “qui seminant in lacrimis in
 39v,16 exultatione metent .” “die hier mit zahern sæjent .
 39v,17 die snîdent dort mit vrôuweden die êwige
 39v,18 mandunge .” die guoten trahene werbent
 39v,19 vile dicke ouch in dirre werelt daz lanc leben .
 39v,20 alsô wir lesen von einem guotem kûninge . was
 39v,21 ze Jerusalm hiez Ezechias . dem sande got sînen
 39v,22 boten . daz er sîn dinc schüefe er solte verscheiden .
 39v,23 sâr kêrte er sich ze wende unde weinete .

- 40r,1 dô erbarmete iz got . unde lengerete ime
 40r,2 sîn leben vûnvzehen jâr . von diu . weinet
 40r,3 hier in diseme lebene dancwillen iuwer sünde .
 40r,4 daz ir dâ ze jener werelt iecht betwungenlîche
 40r,5 under iuwer danc müezet wuofen . dannen ist
 40r,6 geschriben . “– erit fletus et stridor dentium .”
 40r,7 mit den zahern sol man vasten . sô diu sêle
 40r,8 mit sêrigen zahern gewîzet werde . daz ouch
 40r,9 der broede lîp . der die sünde dâ tuot . mit vasten
 40r,10 gekestiget werde . iewederz gebôt . der
 40r,11 almechtige got . per Johelem prophetam . “convertimini
 40r,12 at me in toto corde uestro . in ieiunio et
 40r,13 fletu” er sprach “bekêrt iuch her zuo mir in
 40r,14 allem iuwer herzen . mit vastenne . mit weinenne .”
 40r,15 schulet ir wîzen . daz diu vaste niwet vrumet
 40r,16 âne almuosen . niweht mêr hilfet daz almuosen âne
 40r,17 vasten . denne diu vaste âne almuosen . diu vaste
 40r,18 mit dem almuosene . daz ist zwischelîgez guot .
 40r,19 vaste âne almuosen . ist dechein guot . daz en hilfet
 40r,20 die armen sêle niht . daz sich der lîp enthabet .
 40r,21 von dem ezzenne . er enthabe . sich ouch von den
 40r,22 sünden . von diu . sô wir vasten schulen . wir
 40r,23 unsich enthaben von den sünden . schulen unser
- 40v,1 almuosen unserme armen vile williclîche
 40v,2 geben . daz hât er uns geboten . frange esurienti
 40v,3 panem tuum etc . denket daz ane .
 40v,4 ir dâ vile verre von gote von iuwer sünden
 40v,5 entwichen bîret . denket wie ir iuch ime gehulden
 40v,6 meget . iuwer missetât riuwente . mit
 40v,7 iuwer bîhte . mit iuwer zahern . mit iuwer
 40v,8 vaste . mit iuwerme almuosene . mit andern guoten
 40v,9 werken . daz ir lûterlîchen reiniclîche .
 40v,10 von iuwer sünden in dirre heiligen dietvaste
 40v,11 gearnen müezet . mit lûterm herzen . daz ir
 40v,12 got iuwer hêren mit der sâlicheit iuwer sêle .
 40v,13 wirdiclîche entvâhen schulet in der heiligen
 40v,14 urstende . an deme urteillichem tage . unde
 40v,15 iuch vrôuwen müezet mitsament ime in dem
 40v,16 êwigen rîche . per omnia secula seculorum . âmên . sermo . in
 quadragesima
 40v,17 nû ist daz zît komen . daz wir unser sêle
 40v,18 helfen schulen . unde râten solten . über
 40v,19 jâr sô helfen wir dem lîbe mit ezzenne unde
 40v,20 mit trîkenne . unde volgen uns selben alles
 40v,21 unsern muotwillen . unde wellen des niht wîzen .
 40v,22 sô wir deme lîbe ie baz mite varen . sô

- 40v,23 er uns ie ze mêreren sünden geleitet . sô er ie
- 41r,1 loser ist . unde wirser ist . sô ir den lîp vile wole
 41r,2 geæzet unde getrenket . sô schündet er iuch sâr
 41r,3 ze boesen werken . ze boesen Worten . ze hôchmuote .
 41r,4 ze aller slahte üppicheit . von diu . die über jâr
 41r,5 lebet nâch ire muotwillen . die leben doch dise
 41r,6 lützel en zîte in dirre vasten nâch ire gewarheite .
 41r,7 unde twingen den lîp . unde helfen der sêle .
 41r,8 wir wellen iu sagen . wie ir den lîp twingen
 41r,9 sulet . ir sulet mæzlîcher ezzen unde trinken
 41r,10 denne ze anderen zîten . ir sulet dicker ze kîrechen
 41r,11 gên . sulet minner slâfen . unde sulet kiuschlîcher
 41r,12 leben . danne ze andern zîten . ir sulet iuwer almuosen
 41r,13 dicker geben . sulet den dürftigen herbergen .
 41r,14 sulet ime iuwer ezzen geben unde iuwer trinken .
 41r,15 sulet ime helfen des gewandes al nâch iuweren
 41r,16 staten . sulet iuwer bîhte tuon . sulet iuch rüegen
 41r,17 mîneme trehtîne unde ze iuwerme priester .
 41r,18 ir sulet buoze nemen alles des ir ie ze übele
 41r,19 getâtet . unde sulet iuch bekennen alles iuweres
 41r,20 unrehtes . daz ist der sêle gelabede . unde ist deme
 41r,21 lîbe unsenfte . mit susgetânen dingen . sulet ir
 41r,22 iuch mîneme trehtîne genâhen . unde sulet iuch
 41r,23 gerechten unte gereinen vore disen ostern . daz [...]
- 62r,16 in ascensione domini convescens .
 62r,17 precepit eis iesus ap ierosolimis ne discederent .
 62r,18 set expectarent promissionem patris . hiute
 62r,19 begên wir die wünniclîchen tult . unsers hêrren
 62r,20 ûfverte . hiute ist zerstoeret diu vangnusse
 62r,21 des mennischlîchen geslechtes . dô unser hêrre mit
 62r,22 sînen jungern wonete hier in erde . dô ne hêten
- 62v,1 si keine girede hin ze himele . alsô ist geschriben
 62v,2 an dem heiligem evangeliô . vbi est thesaurus
 62v,3 tuus ibi est et cor tuum . daz sprach got . swâ des mannes
 62v,4 schatz wære . dâ wære ouch sîn herze . swaz der
 62v,5 man vore andern sachen minnet . daz heizet
 62v,6 sîn schatz . swâ er daz sîn liep weiz . dâ hin kêrt
 62v,7 er alleremzigeste sîn gemüete . die heiligen boten
 62v,8 die minneten niht sô verre . sô die gegenwurt
 62v,9 des heiligen Kristes . noch gereten anders niht
 62v,10 wan daz si in haben mit in muosen . dô weste
 62v,11 unser hêrre daz wole . unze er mit in wære . daz si
 62v,12 ire gemüete von der erde ze himele niht verwandeleiten .
 62v,13 unde sprach zuo in . “– uobis ut ego vadam .”
 62v,14 “jâ ist durft daz ich von iu vare unde kumet iu

62v,15 wole .” si enim non abiero . paracliertus non ueniet at vos . vare
 62v,16 ich von iu niht . sô kumet iu des trôstes niht .
 62v,17 unz ich vleischlîchen mit iu bin . sô ne wünschet
 62v,18 ir nihtwære mîne gespræche . unde wænet des niht
 62v,19 daz ir iht bedürfet . an der geistlîcher gebe . der
 62v,20 iu durft wære . var ich aber von iu . sô werdent
 62v,21 iuwer girede nâch mir . ich bin iuwer schatz . dâ
 62v,22 danne iuwer schatz ist dâ ze himele . dâ ist ouch

63r,1 iuwer herze . nû bîret ir dürftic der gebe des heiligen
 63r,2 geistes . nû sende ouch ich iu den troestære .
 63r,3 der iuweriu herzen nâch mîner hineverte gevrôuwe
 63r,4 unde getroeste . susgetâne rede reite unser hêrre
 63r,5 mit sînen jungern vore sîner martire . unde
 63r,6 nâch sîner urstende . alle vierzic tage erschein
 63r,7 in . unde bewarte si manigen ende . unde lêrte si wie
 63r,8 si in daz gotesrîche komen solten . dô wart ane
 63r,9 dem vierzigestem tage alse hiute ist . dô ruochte
 63r,10 er mit in ze ezzenne . unde gebôt in daz si von Jerusâlêm
 63r,11 iht entwichen . daz si dâ biten unde warten dem
 63r,12 geheize den er in getân hête . daz er mit sînen
 63r,13 jungern az . êr er ze himele vuor . daz vestenet
 63r,14 . sancte . Lucas . der heilige evangelista . – conuescens .
 63r,15 precepit eis ap ierosolimis . dô der heilige Krist mit sînen
 63r,16 jungern geaz . dô gebôt er in . daz si niene
 63r,17 entwichen von Jerusâlêm . daz si bîteten sînes geheizes .
 63r,18 dâ nâch nam er zuo im sîne muoter . sancte .
 63r,19 Mariam . unde alle sîne trûte . unde vuorte si ûz
 63r,20 der burc ze Jerusâlêm . in Bethaniam ûf montem
 63r,21 oliveti . unde sprach zuo in . “– meam do uobis .
 63r,22 pacem relinquo uobis . mînen vride gibe ich iu . mînen vride

63v,1 lâze ich iu . et uidentibus illis eleuatus est . et
 63v,2 nubes suscepit eum ap oculis eorum .” daz sprichet
 63v,3 . sancte . Lucas . ze ir aller gesiune vuor er ze himele . unde
 63v,4 der luft benam den heilant von ire ougen . dannen
 63v,5 sprichet . sancte . Dâvît . ascendit deus in iubilatione .
 63v,6 et dominus in voce tube . die heiligen boten dô si sâhen
 63v,7 hin ze himele varn . den si sâhen dâ vore
 63v,8 niuwelîchen tôten wuofen . den ruofen si dô an .
 63v,9 mit sôgetâner mandunge die nieman erzelen
 63v,10 mac . noch si selbe von deme wunder . daz
 63v,11 si in die mennischheit ûf vüern . sâhen sô ne mahten
 63v,12 si niht sprechen . unde alsô in der mandunge
 63v,13 sîner junger . vuor er ze himele . unde vuor ouch ze
 63v,14 himele in einer stimme eines herhornes . daz
 63v,15 bezeichnenet daz . daz er in einer berhtelen stimme
 63v,16 dâr ûf vuor . dô die engele von himele gote

63v,17 engegen kômen . unde si unseres hêrren boten
 63v,18 sâhen . sô harte erkômen unde wundereten sôgetâner
 63v,19 zeichene . dô sprâchen si zuo den jungern .
 63v,20 “– galilei quit statis aspicientes in celum ir galilêischen
 63v,21 liute wes stêt ir unde kapfet in den himel . hic
 63v,22 iesus . qui assumptus est a vobis in celum . sic veniet quemadmodum
 vidistis eum euntem in celum .

64r,1 der heilant der nû von iu gevarn ist . der kumet
 64r,2 her widere . also ir in nû varn sâhet hin
 64r,3 ze himele .” ir schulet daz wizzen waz daz bezeichene .
 64r,4 daz an sîner ûfverte zwêne engel in wîzeme
 64r,5 gewæte den boten erschinen . swenne
 64r,6 wir unsich garwen in albe . sô begên wir hôchzît .
 64r,7 alsô kômen die himelischen engele gote
 64r,8 in schoenem gewæte engegene . unde entviengen
 64r,9 ire hêrrn mit lobe unde mit sange mit vile grôzen
 64r,10 wûnnen . dô wârn sumelîche engele dâ ze
 64r,11 himele . die des nie gewizzen wurden . daz got
 64r,12 mennische was worden . von diu daz diu goteheit
 64r,13 ientie mitsament in was . dô die daz gesâhen daz
 64r,14 der gotessun mit sô tiurlîchem sigenumfte
 64r,15 ze himele vuor . dô wundereten si sôgetâner krefte .
 64r,16 unde sprâchen . “– est iste rex glorie” “wer ist dirre
 64r,17 küninc sôgetâner tiure . unde sô grôzer êre .”
 64r,18 dô antwurten in andere engele die dâ mit
 64r,19 gewesen wârn . dâ er geboren wart . dâ er gemartiret
 64r,20 wart . dâ er erstuont . dâ er die helle
 64r,21 roubete . unde sageten den engelen wer er wære .
 64r,22 – fortis . dominus uirtutum . dominus potens in prelio .

64v,1 “er ist” sprechent si . “der starke hêrre . hêrre aller
 64v,2 tugende . ein gewaltiger hêrre ane sîneme
 64v,3 wîge . ein küninc aller tiure .” nû vrôuwet iuch hiute
 64v,4 der grôzen hôchzît . der ûfverte des heiligen
 64v,5 Kristes . want disiu tult gemeine ist uns unde den
 64v,6 engelen . uns von diu . daz er hiute die mennischheit
 64v,7 gehôhet hât . über alle himelischen
 64v,8 hêrschaft . unde uns eroffenet hât . sîn rîche . der
 64v,9 engile ist ouch disiu vrôuwede gemeine . von diu .
 64v,10 daz ire zal sol ervollet werden mit uns . nû vrôuwen
 64v,11 wir unsich mit geistlîcher mandunge in unserme
 64v,12 herzen verrer denne wir gereden megen
 64v,13 mit der zungen . dar er gevarn sî vore uns . dâr
 64v,14 nâch volgen wir ime mit guoten werken .
 64v,15 er ist unser schatz . nû minnen wir die stat dâ
 64v,16 unser schatz ist . unde werben dâ nâch mit rehtem
 64v,17 lebene . daz wir denne . ze Jerusalem sînes geheizes .

- 64v,18 bîten daz wir vridelîchen unde guotlîchen mit einander
 64v,19 leben . sô sendet er uns spiritum sanctum unsern
 64v,20 troestære . daz wir in williclîchen entvâhen müezen .
 64v,21 sô hebet ûf iuwer herze . unde manet in sîner genâden .
 64v,22 alsô er iuch an dem kriuze lôste mit sîn
- 65r,1 selbes bluote . daz er iuch alsô teilnûmftic mache
 65r,2 sîner hêrn ûfverte . at iuuante eodem domino nostro
 65r,3 iesu Christo . qui cum deo patre et spiritu sancto vivit et regnat per secula
 seculorum . âmên .
 65r,4 in ascensione . wir begên hiute eine vile michele
 65r,5 hôchzît . daz mîn trehtîn ze himele vuor vore
 65r,6 allen sînen jungern . unde vore manigem wîbe unde
 65r,7 manne . die von allen landen dar komen wâr .
 65r,8 die des urkûnde wâr . daz er in deme selbem
 65r,9 bilede sô er ze himele vuor . daz er alsô kûnftic
 65r,10 ist ze erteilenne tôten unde lebentigen al nâch ire
 65r,11 werken . êr aber von sînen jungern schiede . sô
 65r,12 getrôste er si mit einem micheleme trôste . er
 65r,13 az mit in unde zeigete sich in . daz er der selbe was .
 65r,14 der dâ begraben wart . unde der dâ erstanten was .
 65r,15 unde gap in ouch den gewalt . zeichen ze tuon . tôten
 65r,16 lebentic ze machenne . siechen gesunt ze machenne .
 65r,17 unde die behaften ze erloesenne . unde gap in ouch die genâde
 65r,18 daz si alle sprâche kunden . unde sande si über
 65r,19 alle die werelt predigen unde toufen . daz si der
 65r,20 kristenheit kunt tâten die genâde die si von
 65r,21 dem almehtigen gote vernomen unde gelernet
 65r,22 hêten . nû bitet hiute den almehtigen got .
- 65v,1 daz er iu des helfe . daz ir im gevolgen müezet .
 65v,2 dar er iuch selbe gewîset hât . er hât iu daz
 65v,3 geleite hin ze himele gegeben . er hât iu daz
 65v,4 himelrîche entslozen . daz iu besperret was . er
 65v,5 hât allen den sîne genâde eroffenet . die si dâ
 65v,6 suochen wellent . ir schulet aber vile wole wizzen
 65v,7 daz diu selbe porte . diu ze himele gêt . nieman
 65v,8 entvâhet . wan den der sich sîner sünden
 65v,9 hier erklaget hât . der si gebüezet hât . der sich
 65v,10 mit guoten werken vile wole gezieret hât . von
 65v,11 diu lieben liute . iz ist ein vile michel dinc . daz
 65v,12 uns geheizen ist . uns ist geheizen daz himelrîche .
 65v,13 uns ist geheizen diu êwige vröuwede . uns
 65v,14 ist ouch daz geheizen . daz wir sînen heiligen
 65v,15 engelen gelîch werden ob wir ez gearnen wellen .
 65v,16 über elliu disiu dinc sô hât er sich selben uns
 65v,17 geheizen . daz wir in beschouwen schulen in
 65v,18 sîner goteheit . unde iemer mêre mit im sîn . quot ipse prestare .

- 65v,19 durch des almehtigen gotes willen . versûmet
 65v,20 dise geheize niht . denket dâr an . unde
 65v,21 sûmet iuch niht . ditze zît daz ist kurze . iuwer
 65v,22 leben ist ungewis . nû mane iuch der almehtige
- 66r,1 got . daz ir sînen willen ervûllen müezet . âmên .
 66r,2 in die sancto . pentecosten . verbo domini celi
 66r,3 firmati sunt et spiritu oris eius
 66r,4 omnis uirtus eorum . alsô hiute . dô wârן samet
 66r,5 die heiligen boten unseres hêrren . des heiligen
 66r,6 Kristes . in eineme hûse . unde wâren dâ wartente des
 66r,7 geheizes des in der almehtige got gehiez . dô
 66r,8 er ze himele vuor . dô sprach er zuo in . “– habeo
 66r,9 uobis dicere . set non potestis portare modo . cum autem uenerit etc .” er
 sprach
 66r,10 zuo in . “ich hân iu vile ze sagenne . des meget ir nû
 66r,11 alles niht getragen . swenne iu nû kumet der
 66r,12 geist aller wârheit . der lêret iuch allez daz des
 66r,13 ir bedürfet . unde kûndet iu allez daz daz iu
 66r,14 kûntic ist .” der geheiz ist hiute ervûllet . dô si
 66r,15 dâ biten mit vorhten durch der juden âhtesal .
 66r,16 dô sande in got einen trôst von den himelen .
 66r,17 alsô dâ geschriben ist . “– est repente de
 66r,18 celo sonus etc .” allen gâhes wart ein tumel . unde ein
 66r,19 kradem . von himele . dô kom der heilige
 66r,20 geist . unde erschein den hêren boten . mit viurînen
 66r,21 zungen . unde gap in daz gewizzen aller zungen . dô giengen si ûz
 66r,22 baltlîchen unde predigeten alse in geboten was .
- 66v,1 in den zîten wârן zesamene komen aller slahte
 66v,2 liute . die under deme himele sint . zuo den
 66v,3 hêrn hôchzîten der heiligen ôstern in Jerusalem . die
 66v,4 erkômen alle . unde sprâchen wunderente zuo einander .
 66v,5 “– ecce omnes isti qui loquuntur . galilei sunt etc .” “wie
 66v,6 kumet ditze . daz die alle sint von Galilea . unde
 66v,7 redent iedoch unser aller zungen . dâ wir inne
 66v,8 geboren biren .” des antwurten in die heiligen boten .
 66v,9 unde sprâchen . “des ir dâ wundert . daz ist diu
 66v,10 genâde des heiligen wîssagen . nû ist si uns von
 66v,11 der gebe des heiligen Kristes gesant .” des selben
 66v,12 tages wurden geloubic driu tûsent manne . unde alse
 66v,13 schiere dô si getoufet wurden . dô entviengen ouch
 66v,14 si die selben gebe des heiligen geistes . daz ist diu
 66v,15 jærliche hôchzît ditzes tages . daz ist diu tult der
 66v,16 himelischen genâde . durch dirre hôchzît liebe .
 66v,17 wart ze gehügede gesetzt diu vile schoeniu gewoneheit .
 66v,18 daz jærclîche ze dirre tult diu heilige kristenheit
 66v,19 gemêret wirdet mit der heiligen toufe .

- 66v,20 unde von den genâden des zuo komentent geistes .
 66v,21 Jêû Christî . daz gotes sal gewîhet wirdet . disiu hôchzît
 66v,22 wart bezeichnenet in der alten ê . dô die juden

 67r,1 vore Kristes gebürte erloeset wurden ûz Egiptenlande .
 67r,2 dô âzen si allrêreste êr si vuoren .
 67r,3 daz ôsterlîche lamp in Egiptô . daz si dâ mit
 67r,4 koemen in daz lant . daz got ire vordern gehiez .
 67r,5 dâ nâch kômen si zuo einem berge . hiez Sinai . an dem
 67r,6 vûnvzigisten tage . dô si daz lamp geopferet
 67r,7 hêten . dâ erschein in unser hêrre in eineme micheleme
 67r,8 viure ûf dem selbem berge . unde gap
 67r,9 in dâ die heiligen . ê . unde gebôt in daz si jêrlîche
 67r,10 ze gehûgede des tages . iemer mêre zwei brôt
 67r,11 niuwes kornes ze sîneme altære opfereten . waz
 67r,12 opfers wære daz daz ôsterlîche lamp . oder diu losunge
 67r,13 des êgiptischen dienestes . daz ist wîzenlich .
 67r,14 allen den die diu buoche kunnen . quia
 67r,15 pascha nostrum immolatus est Christus . unser hêrre Krist .
 67r,16 der ist daz wære lamp . daz unser sünde mit
 67r,17 sîn selbes bluote hât vertîliget . der lôste unsich
 67r,18 von der helligen schalcheit . unde hât uns erzeiget
 67r,19 den gedingen der hêrn urstende . an deme
 67r,20 vûnvzigesteme tage nâch der slaht des lambes .
 67r,21 wart den juden ire ê gegeben . dô in got alsô wir
 67r,22 iu êr seiten . erschein in grôzeme viure ûf eineme

 67v,1 berge . alsô gelîche an dem vûnvzigesteme
 67v,2 tage nâch der urstende unsers hêrrn Jêû
 67v,3 Christî . alsô hiute ist wart gegeben diu genâde des heiligen
 67v,4 geistes . den heiligen boten . ûf eineme hôhem
 67v,5 sale . dâ si samet wâr . ûzene erschein er
 67v,6 in in viurînen zungen . innerhalbe in ire herzen .
 67v,7 er erlûhte si mit dem liechte guotes gewîzzenes .
 67v,8 mit der hitze der wâren minne . hier was diu
 67v,9 hoehe des muoshûses . in der wüeste was diu hoehe
 67v,10 des berges . daz sint diu himelischen gebot .
 67v,11 unde die himelischen gebe . diu zwei brôt . dei si
 67v,12 ze gehûgede opfereten dem tage dâ si ire ê an
 67v,13 entviengen . daz bezeichnenet nû diu zwei dinc .
 67v,14 dei wir gote bringen . diu reine toufe . unde der heilige
 67v,15 gotes lîchname . ist daz . daz wir got minnen .
 67v,16 sô sendet er uns hiute sînen heiligen geist .
 67v,17 der erliuhtet unsich . mit dem heiligem viure
 67v,18 der wâr minne . von diu schulen wir behalten
 67v,19 sîniu gebot . sô kumet er zuo uns . alsô er uns
 67v,20 geheizen hât in dem heiligem evangeliô .
 67v,21 “– quis diligit me etc .” er sprichet . “swer mich minnet .

- 67v,22 der beheltet mîniu wort . den minnet
- 68r,1 ouch mîn vater . unde komen beide zuo ime . unde
 68r,2 machen dâ unser heimuote .” nû merket mîne
 68r,3 vile lieben . wie grôz diu hôchzît sî . diu kunft
 68r,4 des almehtigen gotes ze habenne in der herberge
 68r,5 iuweres herzen . wêrlîchen solte dechein rîcher
 68r,6 hêrre . oder ein gewaltiger vriunt zuo iuwerme
 68r,7 hûse komen . mit allem vlîze würde iuwer hûs
 68r,8 gekêrt unde gereinet . daz iewit dâ wære daz dei
 68r,9 ougen iuwers vriundes erbelgete . von diu kere
 68r,10 ein iegelîchez die bôsheit übelêr werke ûz sîneme
 68r,11 herzen . der guote garwet sîne sêle ze hûse . merket
 68r,12 waz der gotessun sprichet . “– et mansionem
 68r,13 apud eum faciemus . wir komen dar . unde machen
 68r,14 dâ unsere heimuote .” in sumelîcher mennischen
 68r,15 herze kumet got unde wonet iedoch dâ niht .
 68r,16 wie kumet daz . diu rede ist uns vile angestlich .
 68r,17 sint vile manige die grôze riuwe . ofte gewinnent . alsô
 68r,18 schiere sô si denne ein korunge des leidigen
 68r,19 tiueles begrîfet . leider . daz si êr dâ geriuweseten .
 68r,20 daz verâgezzen si danne . unde kêrent widere
 68r,21 zuo den sünden . sam si sie nie beweineten . von
 68r,22 diu der got wêrlîchen minnet . der sîniu gebot
- 68v,1 beheltet . in des herze kumet got unde wonet
 68v,2 dâ . want diu minne sîner goteheit . diu durchvert
 68v,3 in sô . daz er niemer mêre durch decheine
 68v,4 korunge von gote gewîchet . der minnet got
 68v,5 wêrlîchen . des muot dechein boesiu gelust überwindet .
 68v,6 sô der mennische iemer boese gelust minnet .
 68v,7 sô er ie verrer von der gotesminne gescheiden
 68v,8 wirdet . dannen sprichet er . “– non diligit me . sermones
 68v,9 meos non seruat .” “swer mich niht en minnet . der beheltet
 68v,10 ouch mîniu wort niht .” nû grîfet in iuwer
 68v,11 herze . unde sehet ob ir got minnet . diu gotesminne .
 68v,12 diu wirdet niemer müezic . ist diu gotesminne
 68v,13 in des mennischen herze . sô vrumet si grôziu
 68v,14 dinc . nû habet ir vernomen vile lieben . daz der
 68v,15 heilige geist erschein . alsô hiute ist . ob den zwelivboten
 68v,16 unsers hêrren . in viurînen zungen . unde gap
 68v,17 in daz gewizzen aller slahte zungen . die gîgande
 68v,18 die wider got also uns diu hêre schrift seit . einen
 68v,19 turn hin ze himele zimberen wolten . die verluren
 68v,20 die gemeinede einer zungen . dannoch was
 68v,21 in der werelt niuwan ein zunge . von ire übermuote
 68v,22 wurden si geschendet . daz ir zwô unde sibenzic wurden .

69r,1 an den hêrn boten . die got diemuotlîchen
 69r,2 vorhten . wurden alle zungen geeinmuotet ze einer
 69r,3 zungen . hiute gearnet der heiligen boten diemuot
 69r,4 grôze tugent . dô gearnete der wüeterîche übermuot
 69r,5 grôze schande . von deme heiligem geiste
 69r,6 ist geschriben . “spiritus eius ornauit celos .” daz sprichet
 69r,7 diu heilige schrift . “der geist des heiligen
 69r,8 Kristes . hât gezieret sîne himele .” die zierde
 69r,9 der himele . sint die tugende der guoten bredigære .
 69r,10 die zierde hât uns . sancte . Paulus . gelêrt . “– datur sermo
 69r,11 scientiae etc .” sumelîchen ist gegeben wîstuom .
 69r,12 sumelîchen daz guote gespræche . sumelîchen
 69r,13 der guote geloube . sumelîchen diu genâde . daz si
 69r,14 die siechen gesunt machent . sumelîchen daz si
 69r,15 wîssagen sint . sumelîchen daz si aller slahte
 69r,16 zungen kôsant . daz allez sprichet . sancte . Paulus . vrumet
 69r,17 ein geist . der heilige geist teilet einem iegelîchem
 69r,18 alsô er wile . dannen sprichet . sancte . Dâvît . –
 69r,19 domini celi firmati sunt etc . die himele sint gevestenet
 69r,20 von dem gotes worte . unde alle drî tugende
 69r,21 von dem geiste sînes mundes . daz goteswort
 69r,22 ist der gotessun . der hât gevestenet sîne

69v,1 himele die heiligen boten . wiegetâner broede
 69v,2 die lêrære vore der künfte des heiligen geistes
 69v,3 wâr . daz ist uns wîzenlich . unde nâch sîner
 69v,4 künfte . wiegetâner sterke si dô wurden . daz
 69v,5 ist uns hiute wole erzeiget . der vile heilige hirte
 69v,6 aller kristenheit . sancte . Petrus wiegetâner broede
 69v,7 unde wie grôzer vorhte er wære vore der künfte
 69v,8 des heiligen geistes . daz kan iu wole gesagen
 69v,9 diu smelenge diu der tûre dâ huotte . wider . die sancte .
 69v,10 Petrus . verlougenete sînes schepfæres von eines boesen wîbes vorhten .
 69v,11 verlougenete . sancte . Petrus . sînes schepfæres . dô er den
 69v,12 grimmigen tût vorhte . dô verlougenete er des
 69v,13 êwigen lebes . an den der schâchære an dem kriuze
 69v,14 erhangener dingete . des lougenete . ûf der
 69v,15 erde . der nû dâ vile vorhtelîches gemüetes was .
 69v,16 wie kreftic er dâ nâch von der künfte des
 69v,17 heiligen geistes würde . daz schulet ir vernemen
 69v,18 dô die heiligen zwelivboten ervüllet wurden
 69v,19 des heiligen geistes . alsô hiute ist unde si baltlîchen
 69v,20 predigen begunden von gote unde von
 69v,21 aller slahte zungen reiten . dô sameneten sich
 69v,22 die meister unde die wîsen alle in Jerusalêm . unde

70r,1 viengen die hêren boten . unde sluogen si mit
 70r,2 geiselen . unde verbuten in daz si iemer mêre

70r,3 gotes gewüegen . dô sprach . sancte . Petrus mit micheler
 70r,4 orthabunge . “– oportet deo magis
 70r,5 quam hominibus .” “wir müezen gote mêre gehôrsamen
 70r,6 denne iu liuten .” dô nâch sprach er . “– iustum est in
 70r,7 conspectu domini uos potius audire quam deum . iudicate .
 70r,8 non enim possumus que uidimus et audiuius
 70r,9 non loqui .” “ist daz rehte in gotes gegenwürte .
 70r,10 daz wir iuch halter schulen vernemen denne
 70r,11 got . daz erteilet . wir en megen des niht . wir
 70r,12 müezen daz reden daz wir vernomen haben .
 70r,13 unde gehoeret .” dannen giengen . sancte . Petrus . unde andere
 70r,14 boten vroelîchen von dem teidinge . daz si
 70r,15 des wert wâren daz man si durch den namen
 70r,16 Jêsu Christi geschendet hête . nû sehet wie sich . sancte .
 70r,17 Petrus . vrôuwte . daz er gerüeret wart . der êr des . einer
 70r,18 boesen diu wort vorhte . sôgetâner liste werkære
 70r,19 ist der heilige geist . des tult hiute ist . der vile
 70r,20 heilige geist gewîste Dâvîden . der harpfære
 70r,21 was . der den salter tihte . er ervulte einen rinderhirte .
 70r,22 sancte . Amos . daz er wîssage wart . er ervulte

70v,1 einen kint Daniele daz er rihtære wart
 70v,2 über alte rihtære . er ervulte einen vischære . sancte . Petrum .
 70v,3 unde machete in ze eineme vürsten aller der kristenheit .
 70v,4 er ervulte einen æhtære . sancte . Paulum . unde
 70v,5 vrumete in ze eineme lêrære aller diête . er ervulte
 70v,6 einen offenen süntære . sancte . Matheum . der wart ein
 70v,7 ewangelista . ane disen dingen meget ir wole
 70v,8 merken wie kreftic der listwûrkære ist . der
 70v,9 iz allez sô schiere verwandlet hât . merket
 70v,10 die heiligen lêrære . die hêren zwelivboten . wie
 70v,11 broede si hiute der heilige Krist vant . unde wie
 70v,12 kreftic er si machete . die in eineme hûse durch
 70v,13 der juden vorhte sâzen . unde niht wan einer zungen
 70v,14 kunden . dô kom der heilige geist . unde
 70v,15 gap in daz si aller slahte zungen kôseten
 70v,16 unde daz vrastmuntlîchen von gote predigeten .
 70v,17 in der hêrn gebûrte unseres hêren des
 70v,18 gotessunes Jêsu Christi . dô nam der heilige Krist
 70v,19 die mennischheit an sich . an dirre hôchzît alsô
 70v,20 hiute ist . entviengen diu mennische den zuo
 70v,21 komentent got in sich . an der hêrn wîhenagt
 70v,22 wart got von mennischlîcher natûre mennische .

71r,1 an dirre tult wurden diu mennischen
 71r,2 ze goten . an der heiligen schrift lesen wir daz .
 71r,3 daz der heilige geist . den zwelivboten zwir gegeben
 71r,4 wart . ze allrêreste wart er in ûf der erde gegeben

71r,5 von gote . dô er lebelîchen mitsament
 71r,6 in wonete . dô er zuo in sprach . “– spiritum sanctum .
 71r,7 quorum remiseritis peccata . remittuntur eis .” er sprach .
 71r,8 “entvâhet in iuch den heiligen geist . swem ir
 71r,9 sîne sünde vergebet . deme werdent si ouch von
 71r,10 mir vergeben .” ze dem anderme mâle . wart er
 71r,11 in von himele nâch unseres hêrren ûfverte an
 71r,12 deme zehenden tage gesant . in daz hûs dâ si sament
 71r,13 wâren . an der erde wart gegeben der heilige
 71r,14 geist dâr umbe . daz wir unsern nâhsten
 71r,15 ûf der erde minneten . von himele wart er anderstunt
 71r,16 gesant . daz wir got von himele minnen
 71r,17 schulen . über allez daz dâr ist . umbe waz
 71r,18 der heilige geist êr ûf der erde gegeben würde .
 71r,19 êr von himele ze dem êrste hier in erde . dâ nâch von
 71r,20 himele . dâ mit ist uns bezeichnenet . alsô . sancte . Johannes
 71r,21 quît . “– non diligit fratrem suum quem uidet . deum
 71r,22 quem non uidet quomodo potest diligere .” er sprichet .

71v,1 “swer sînen bruoder niht minnet den er alle
 71v,2 tage sihet . wie mac der got geminnen den er
 71v,3 dâ niender hier sihet .” von diu minnen wir unsern
 71v,4 nâhsten minnen den der hier bî uns ist .
 71v,5 daz wir von der minne unseres ebenkristes komen
 71v,6 megen ze des minne der ob uns ist . sî
 71v,7 unser muot ie an denken an unserme nâhsten .
 71v,8 daz er gote wirdiclîchen er bieten müge .
 71v,9 daz unser sêle daz gearnen mege in gote . daz
 71v,10 si sich her nâch gevrôuwen müeze êwiclîchen
 71v,11 mitsament ire ebenkriste . in dem êwigeme rîche
 71v,12 vore gote . tuon wir daz . daz wir unsern nâhsten
 71v,13 minnen . alsô uns selbe . sô komen wir
 71v,14 zuo der vrôuwede der engelischen mandunge . von
 71v,15 der wir nû entvagen haben daz wette
 71v,16 des heiligen geistes . des oberesten vogetes . dar schulen
 71v,17 wir îlen mit aller slahte giredede . mit wâr
 71v,18 minnen tages unde nahtes . dâ vrôuwen wir unsich
 71v,19 iemer âne ende . daz ist diu heilige geselleschaft .
 71v,20 der himelischen burgære . dâ ist gewissiu
 71v,21 hôchzît . die tulte . die wir hier tulten . die
 71v,22 habent anegenge . habent ouch schier ende . dort

72r,1 ist sicheriu râwe niemer dechein unwünne . dâ
 72r,2 ist der gewisse vride . der uns stâtelîchen dâ gegeben
 72r,3 wirdet . per dominum nostrum Iesum Christum . qui uiuit
 72r,4 et regnat cum deo patre in unitate spiritus sancti per omnia
 72r,5 secula seculorum . âmên . in sancto die pentecosten .
 72r,6 dvm complerentvr dies pentecostes .

- 72r,7 erant omnes discipuli pariter in eodem loco etc .
 72r,8 mîne vile lieben ir schulet wizzen wie grôz disiu
 72r,9 hôchzît ist . dannen alle hôchzît die man begêt
 72r,10 in der heiligen kristenheit aneenge habent .
 72r,11 sanctus Lucas der vier evangelistarum einer .
 72r,12 der seit uns alsô wir êr sprâchen von disem tage .
 72r,13 “dum complerentur dies pentecostes etc .” “dô ervüllet wurden
 72r,14 die vûnvzic tage von der urstende unseres hêrrn .
 72r,15 dô wârn sament die zwelivboten in der
 72r,16 stat dâ si der heilant bîten hiez . unde warten
 72r,17 des geheizes des er in getân hête . dô wart alles
 72r,18 gâhes ein kradem unde ein getümele von himele
 72r,19 alsô eines heizmüetigen geistes . unde ervulte
 72r,20 daz hûs dâ si inne sâzen . unde erschienen den
 72r,21 boten dâr inne geteilte zungen alsô ein viur .
 72r,22 unde saz ûf ir iegelîchen der heilige geist . unde gap

 72v,1 in an der stunte . daz si redeten aller slahte zungen .”
 72v,2 der tac ist hiute ervüllet . alsô in der gotessun
 72v,3 gehiez . dô er von in vuor . “– uenerit paraclertus .
 72v,4 spiritus veritatis . ille” er sprach zuo in . “swenne iu kumet paraclitus
 72v,5 der heilige geist . der lêrt iuch alle die wârheit
 72v,6 unte kûndet iu allez daz . daz iu kûnftic ist .” paraclertus .
 72v,7 daz ist geantvristet troestære oder ein voget .
 72v,8 nû sehet lieben welich troestær der geist sî . der
 72v,9 die zwelivboten sô trôste unde vestenete . die durch
 72v,10 vorhten der juden besperret wârn in eineme hûse .
 72v,11 dô er in kom . daz si dô baltlîchen giengen ûz
 72v,12 unde predigeten in der stat ze Jerusalem . nû sehet wie
 72v,13 gesterket wære . sancte . Petrus . der durch vorhten eines boesen
 72v,14 wîbes verlougenete sînes hêrrn an der martire .
 72v,15 wie baltlîchen er hiute daz goteswort seite
 72v,16 vore allen den vürsten die wârn ze Jerusalem dô in der
 72v,17 heilige geist starkte . dô kom iz alsô . daz in dem
 72v,18 zîte aller slahte liute daz under dem himele
 72v,19 was . sumelîche dar komen wârn die hôrten
 72v,20 si reden iegelîcher sîne zunge . unde wundereten
 72v,21 des . sumelîche sprâchen si wærn trunken . des
 72v,22 antwurte . sancte . Petrus . “iz en ist niht sô ir wænet . daz

 73r,1 si trunken sîen . der heilige geist hât si ervüllet
 73r,2 daz si müezen sprechen .” dô wart diu menige
 73r,3 vile grôz der geloubenten . unze daz die juden nîden
 73r,4 begunden . unde viengen si . unde blûwen si . unde wurfen
 73r,5 si in den karkære . hin ze mitternacht kom
 73r,6 der engel vuorte . si ûz in daz templum . hiez si vrastmunde
 73r,7 predigen . dô des morgenes wart . dô kom
 73r,8 ein bote . sagete den vürsten daz die liute in den

- 73r,9 karkære geworfen wâr . stuonten in dem templo
 73r,10 unde bekêrten die menige . dô sanden si ire
 73r,11 boten nâch in . unde sluogen si an mit besemen unde
 73r,12 verbuten in daz si iemer mêre Kristes namen
 73r,13 gewinnen . des antwurte . sancte . Petrus . “– oportet
 73r,14 deo magis quam hominibus .” “wir schulen got
 73r,15 mêre gehôrsamen denne den mennischen .” nû
 73r,16 sehet wie gevestenet wart . sancte . Petrus daz er die vürsten niht
 73r,17 widersaz . nû lieben nû schulet ir vernemen
 73r,18 wie ir den voget unde den troestære schulet gewinnen .
 73r,19 unser hêrre sprichet in dem heiligem evangeliô .
 73r,20 “– quis diligit me . sermonem meum servabit etc .” er quît
 73r,21 “swer mich minnet der beheltet mîn wort . den
 73r,22 minnet ouch mîn vater . unde komen hin ze ime .

 73v,1 unde machen dâ unser heimuote . unde wonen
 73v,2 mitsament im .” nû sehet lieben wie sælic der
 73v,3 ist . mit dem der heilige Krist wonet . nû reinent
 73v,4 iuwer herze von aller slahte âkuste mit
 73v,5 lûterre bîhte . mit wâren riuwen aller iuwer
 73v,6 sünde . mit rehter buoze . daz ir entvâhen müezet
 73v,7 den heiligen geist . einen wâr troestære der
 73v,8 armen . unde den voget iuwerre sêle . daz er iuch . unde
 73v,9 uns . unde alle die heiligen kristenheit ruoche ze
 73v,10 bevogetenne . unde ze beschirmenne von allen übelen
 73v,11 geisten . des ruoche uns gewern spiritus sanctus . qui a
 73v,12 patre et filio procedit in unitate . per omnia secula seculorum . âmên .
 73v,13 die pertecosten . ir schulet wizen waz wir
 73v,14 hiute unde alle dise woche begên . dô mîn trehtîn
 73v,15 ze himele vuor . dô wurden sîne junger harte
 73v,16 geuntroestet . daz si der sælden darben solten .
 73v,17 die si tagelîche von im hôrten unde sâhen . dô
 73v,18 getrôste si mîn trehtîn mit deme heiligem
 73v,19 geiste . den er über si sande . der geist der zunde
 73v,20 unde erlûhte ire herzen mit einer michelen
 73v,21 vröuwede . unde lêrte si allen wîstuom . unde daz si alle
 73v,22 sprâche kunden . er gestarkete si ouch . daz si

 74r,1 sich geteilten über elliū diu lant . ze predigenne
 74r,2 unde ze lêrn diu goteswort unde gotes wârheit die
 74r,3 si vernomen hêten von dem almehtigen gote
 74r,4 er gestarkete si ouch . daz si alle nôt unde alle angst
 74r,5 liden in dirre werelt . unde daz si gemartiret
 74r,6 wurden durch den michelen trôst des êwigen
 74r,7 lîbes . nû bitet hiute den almehtigen
 74r,8 got . daz er die selben genâde des heiligen geistes
 74r,9 über iuch gesende . diu iuch gelêre unde gewîse .
 74r,10 wie ir gotes hulde gearnen schulet . want

- 74r,11 nieman niht guotes getuon mac âne die helfe
 74r,12 des heiligen geistes . er gibet wære riuwe . er
 74r,13 gibet wâren antlâz aller iuwer sünde . er gibet
 74r,14 triuwe unde wârheit . er stillet haz unde nîde . er
 74r,15 gibet den sin . unde die genâde daz sich der man sîner
 74r,16 sünden innicliche beklagen mac . er gibet
 74r,17 daz innicliche gebet . er gibet ouch die genâde
 74r,18 daz der man sîne sünde beweinen mac .
 74r,19 elliu güete kumet von im . von diu lieben
 74r,20 bevelhet iuch allertagelîch zuo den genâden
 74r,21 des heiligen geistes . daz er iuch gewîse unde geleite
 74r,22 zuo den êwigen genâden . quot ipse prestare dignetur .
- 74v,1 in natale s . Johannis baptiste inter natos
 74v,2 mulierum non furrexit maior Johanne baptista . hiute mîne
 74v,3 vile lieben tulten wir die vleischliche geburt
 74v,4 . sancte . Johannis des toufæres . daz lesen wir niht daz daz
 74v,5 ie decheinen heiligen verlihen würde an got .
 74v,6 wan einem . sancte . Johanni . sanctum Johannem gebar ein
 74v,7 unberentiu alt vrouwe . sancte . Maria diu was
 74v,8 maget vore der gotes gebürte . diu ist hiute unde
 74v,9 iemer maget . Elisabeth diu gebar einen sun .
 74v,10 der was mennische alsô andere mennischen .
 74v,11 sancta Maria diu gebar den gotessun . Jêsum
 74v,12 Christum wâr got wâr mennische . iedoch wart
 74v,13 ir iewederz gekündet von dem heiligem engel
 74v,14 Gabriële . alsô uns seit daz heilige ewangelium .
 74v,15 – in diebus Herodis . regis Judæae . sacerdos . etc . ein êwart was in
 74v,16 des küniges Herôdis zîten in der alten ê under
 74v,17 den juden geheizen Zacharias . des kone
 74v,18 hiez Elisabeth . von des bischolves Aaronis geslehte .
 74v,19 diu lebeten beidiu rehte vore gote . unde wâren
 74v,20 ie arbeitente in gotes gebote . in ire rehte . allez
 74v,21 ire leben âne klage . hei â wie die sint . die dechein
 74v,22 sünde niene slehet in dirre werelt . nehein
- 75r,1 laster nie wundet . von diu wâr wîzenlîchen
 75r,2 diu zwei gemechede sælic . die nie decheiner
 75r,3 slahte bôsheit gewielten . “– igitur in
 75r,4 omnibus mandatis et iustificationibus sine querela .”
 75r,5 daz sprichet der heilige ewangelista . daz si beidiu
 75r,6 wâr gête in gotes gebote . unde in rehtem
 75r,7 werke âne klage . diu wâren âne sun . von diu . daz
 75r,8 Elisabeth unberhaft was . dâr umbe bâten si got
 75r,9 lange . dâ nâch wart ze einer vesperzît . dô der
 75r,10 hêrre Zacharias rouch hête geleit in ein rouchvaz .
 75r,11 alsô er berouchen wolte den altære in templô
 75r,12 dominî . unde daz jüdische volc ûzerhalben stuont unde

- 75r,13 betete . dô erschein dem guotem êwarte der gotesbote
 75r,14 . sancte . Gabriêl . der vile hêre engel . zeswenhalben
 75r,15 bî dem altære . des erkom der êwart vile harte .
 75r,16 dô sprach der engel zuo im . – timeas Zacharia
 75r,17 exaudita est oratio tua et Elisabêt vxor tua pariet tibi filium etc . daz sint
 diu
 75r,18 wort des heiligen . engels er sprach . “niwet
 75r,19 en vûrhte dir Zacharia . vernomen ist dâ ze gote
 75r,20 dîn gebete . Elisabêt dîn kone . gebiret dir einen
 75r,21 sun . den solt dû heizen Johannem . der wirdet dir ze
 75r,22 mandunge . unde ze vröuwede . unde vröuwet sich vile maniger

 75v,1 ze sîner gebûrte . der kint wirdet hêre vore
 75v,2 gote . der ne trinket weder wîn noch lûtertranc .
 75v,3 er wirdet ervûllet des heiligen geistes . in sîner muoter
 75v,4 bûche . unde bekêret vile manigen israhêlischen
 75v,5 zuo gote ire hêrren . unde der selbe kint . vûrevert
 75v,6 den gotessun in dem geiste . unde in der tugende
 75v,7 sancte . Eliae . ze bekêrenne dei herze der vater zuo den
 75v,8 kinden . unde die ungeloubigen zuo der wîsseheit .
 75v,9 des guoten . unde ist ouch gerwente durhnehtige diet
 75v,10 zuo gote .” wer mahte den vol loben lieben liute .
 75v,11 den got selbe lobete . “– natos mulierum non surrexit maior Johanne
 baptista .”
 75v,12 er sprach . daz under wîbes kinden nie nieman
 75v,13 hêrer geboren wûrde denne sancte . Johannes . er übertrifft
 75v,14 alle wîssagen . unde allen den die von wîben komen
 75v,15 sint . den vore gêt sancte . Johannes . hiute wart geboren
 75v,16 der kint . aller manne süne der hêreste . ebengelîch
 75v,17 den engelen . ein scherge des heiligen Kristes .
 75v,18 ein vrôner bote des gotessunes . ein venere
 75v,19 des oberesten kûninges . der alten ê . unde der niuwen
 75v,20 ê . ein wâriu swegele . nû mîne vile lieben .
 75v,21 nû volget der sînen stimme dâ er zuo iu ruffet .
 75v,22 “– penitentiam aproprinquabit enim regnum celorum” er râtet

 76r,1 uns unde sprichet . “bûezet iuwer unreht . iu nâhet
 76r,2 daz gotesrîche .” lât iuch riuwen daz ir wider gotes
 76r,3 hulden getân habet . unde sendet den guoten . sancte .
 76r,4 Johannem ze boten . daz er iu antlâz hiute erwerbe
 76r,5 aller iuwer sünde . unde nâch diseme lîbe den
 76r,6 êwigen lîp . prestante domino nostro Iesv Christo . âmên .
 76r,7 de sancto Johanne baptista sanctus Johannes des
 76r,8 tac wir hiute begên . der was . der mînen trehtîn
 76r,9 toufte . dem ouch mîn trehtîn selbe urkûnde
 76r,10 gap . daz nieman heiliger leben mahte . er was
 76r,11 ouch mînes trehtînes vûrebote . des genâden sulet
 76r,12 ir iuch vile inniclîche bevelhen . daz er mînen

76r,13 trehtîn ruoche ze bitenne vüre unser sünde . daz ir
 76r,14 daz gearnen müezet in dirre werelt daz ir die
 76r,15 êwigen genâde mit im besitzen müezet dâ ze
 76r,16 himele . lieben liute wir solten dise messe anderes
 76r,17 begên denne wir tuon . man begêt dise messe
 76r,18 mit inniclichem spile . mit inniclicher
 76r,19 vröuwede . mit ezzenne . mit trinkenne . mit wirtschefte .
 76r,20 daz mîneme trehtîne niene lîchet . swâ sô spil .
 76r,21 unde wirtschaft . unde unrehtiu vröuwede ist . dâ sint anderiu
 76r,22 üppigiu dinc . dâ mîn trehtîn mit erbelget

76v,1 wirdet . wir solten bilede nemen wie mînes
 76v,2 trehtînes heiligen daz himelrîche gearneten mit
 76v,3 maniger unsenfte ire lîbes . mit vastene . mit wachene .
 76v,4 mit kiuschlichem lebene . mit diemüete . mit
 76v,5 aller slahte güete . unde solten ouch unseren lîp twingen
 76v,6 von schantlichen werken . sô êrten wir
 76v,7 mînes trehtînes heiligen . unde gearneten sîne hulde .
 76v,8 unde generten wir die sêle . sanctus Johannes des tac wir
 76v,9 hiute begên . der zôch sich in einen walt von den
 76v,10 liuten . daz er sich deste baz mahte behüeten vore
 76v,11 aller slahte sünden . dâ dechein mennische mite bewollen
 76v,12 mac werden . des ezzen was armiclich . alsô
 76v,13 er ez in der einoete erwerben mahte . er vermeit
 76v,14 den wîn unde aller slahte trinken . dâ dechein süeze
 76v,15 ane was . sîn gewant was unsenfte ûz hâre gemachet
 76v,16 deme lîbe ze martire . decheine wünne hête er
 76v,17 in dirre werelt . aller sîn muot unde sîn gedanc
 76v,18 was mit gote . daz gotesrecht unde die gotes wârheit .
 76v,19 predigete er vore armen unde vore rîchen . vürsten
 76v,20 unde künigen . unze an die wîle daz im ein
 76v,21 küninc hiez daz houbet ab slahen . mit susgetâneme
 76v,22 lebene . sô gearnete er daz himelrîche . unde die genâde .

77r,1 nû sehet an uns selben ob wir der dinge inder
 77r,2 iht begên . alles des unseren lîp gelüstet
 77r,3 des verzîhen wir in niht . sô wir iz verreste bringen
 77r,4 mügen . unde durch ditzes kurzen lîbes
 77r,5 willen sô verwürken wir die êwigen genâde .
 77r,6 lieben liute nû denket wie kurz dirre lîp ist .
 77r,7 unde mit wie manigen noeten disiu werelt bevangen
 77r,8 ist . unde kêret iuweren muot dâr vone . die
 77r,9 wir doch vile unsanfte lâzen müezen wir wellen
 77r,10 oder en wellen . nû bevelhet iuch gemeinliche
 77r,11 deme guoten . sancte . Johanni mit lîbe unde mit sêle .
 77r,12 daz er iu helfente sî unde wegente ze dem almehtigen
 77r,13 gote . daz ir der genâde niht verstôzen werdet
 77r,14 die mîn trehtîn allen sæligen liuten gegerwet

- 77r,15 hât . nû müeze iûch der almehtige got gesæligen
 77r,16 in sîneme rîche . unde erliuhte iuwersin
 77r,17 unde iuweren gedanc . mit den sînen genâden . daz
 77r,18 ir nâch diseme armem lîbe daz gotesrîche besitzen
 77r,19 müezet . sô ir ze kirechen stêt . sô schulet
 77r,20 ir iuch mîneme trehtîne bevelhen mit lîbe unde
 77r,21 mit sêle . unde schulet in vile innicliche biten daz
 77r,22 er iuch in sînem gewalte habe . unde daz er iuch beware
- 77v,1 vore deme leidigem vîande unde vore aller
 77v,2 sîner gespenste . ir schulet biten umbe die heiligen
 77v,3 kristenheit . daz si mîn trehtîn beschirme .
 77v,4 vore allem übele . ir schulet biten umbe alle
 77v,5 kristene sêle . daz si mîn trehtîn von allen ungenâden
 77v,6 erloese . ir schulet ouch biten umbe alle
 77v,7 iuwere vîande . daz si mîn trehtîn ze guote bekêre .
 77v,8 ir schulet biten daz iu mîn trehtîn triuwe
 77v,9 unde wârheit verlihe . daz ir mit rechten dingen
 77v,10 gotes hulde gearnen müezet . quot ipse prestare dignetur .
 77v,11 de . sanctus . Petro et Paulo wir begên
 77v,12 hiute zweier hêrren tult . sancte . Petrî unde . sancte . Paulî
 77v,13 die got erwelte vore anderen jungeren . daz si daz
 77v,14 gotesreht unde die gotes wârheit schriben . unde predigeten
 77v,15 der heiligen kristenheit . die selbe hêrrn
 77v,16 sint geheizen an den buochen zwei licht der
 77v,17 kristenheit . wande diu kristenheit ze êrste wart erlûhtet
 77v,18 von ire Worten unde von ire lêre . daz si reht
 77v,19 unde wârheit begunden ze erkennenne . von diu .
 77v,20 êrte si mîn trehtîn vile groezigliche beidiu hier
 77v,21 in erde unde dâ ze himele . er êrte . sancte . Petrum hier in
 77v,22 erde . daz er hêrre unde vürste under sînen jungeren
- 78r,1 wære . unde bevalch im den gewalt in der kristenheit .
 78r,2 daz einem ieteslichem manne sîne sünde vergæbe .
 78r,3 der mit wârer riuwe unde mit rehter bekantnisse
 78r,4 zuo im koeme . umbe daz ist an den buochen
 78r,5 geschriben . daz mîn trehtîn . sancte . Petrô gap die
 78r,6 himelslûzzel . die einem ieglichem manne daz
 78r,7 himelrîche eroffeneten oder besparten al nâch
 78r,8 sînen werken unde nâch sînen riuwen . den selben
 78r,9 gewalt den . sancte . Petrus hête . den hât der bâbes von
 78r,10 Rôme . unde ein ieteslich bischolv . unde ein ieteslich priester .
 78r,11 swie süntic si sîn . daz si alle die ledic
 78r,12 sagen ire sünden . die mit wârer riuwe zuo in komen .
 78r,13 swer aber der ist der gote ungehørsam
 78r,14 ist . unde mit unrehte ringet . unde mîneme trehtîne
 78r,15 dechein reht erbiutet . dem besperrent si daz
 78r,16 himelrîche mit ire banne unze an die wîle . daz

- 78r,17 si sich erkennen ire unrehtes . unde ze rehter bekantnusse
 78r,18 koment unde gehôrsam werdent .
 78r,19 sôgetânen gewalt habent die bischove unde ander
 78r,20 priester von . sancte . Pêters halbe . sanctus Paulus wart
 78r,21 ouch vile grôzlîche unde vile sæliclîche geêret . den
 78r,22 mîn trehtîn ze eineme trûte erwelte . unde ze einem
- 78v,1 holden von einem unrehtem manne . der êr des
 78v,2 alle die vienc unde sluoc die dâr got minneten . den
 78v,3 bekêrte mîn trehtîn unde zeigete im tougenlîchiu
 78v,4 dinc dâ ze himele . unde wart dâ gelêrt daz er sît
 78v,5 predigete den liuten hier in erde . die selben gotestrûte
 78v,6 die wurden eines tages gemartiret ze Rôme .
 78v,7 sancte Pêter wart gekriuziget . sancte . Paulus wart
 78v,8 gehoubetet . unde gearneten in disem kurzem lîbe
 78v,9 daz si daz gotesrîche besezen habent . dâ iemer
 78v,10 mit genâde unde mit vröuwede sint . nû bitet hiute
 78v,11 den guoten . sancte . Petrum unde den guoten . sancte . Paulum .
 78v,12 die gotestrûte . daz si mîneme trehtîne hiute ire
 78v,13 martire zeigen vûre uns . daz uns daz himelrîche
 78v,14 ûf getân werde . des si gewalt habent ûf ze tuon
 78v,15 allen sæligen liuten . wir manen iuch hiute .
 78v,16 daz ir iuch vile inniclîche zuo mîneme trehtîne
 78v,17 kêret . dâ bîret ir behalten . dâ ist trôst . dâ ist
 78v,18 diu genâde . sælic ist der . der sich an in lâzet .
 78v,19 der in minnet . der in vore sînen ougen hât . deme
 78v,20 mac niht gewerren . der ist behüetet in allen steten .
 78v,21 deme sît ir hiute bevolhen mit lîbe unde mit
 78v,22 sêle . der müeze iuch beschirmen mit der sîner
- 79r,1 zeswen . unde gebe iu den êwigen lîp . quot ipse prestare dignetur
 79r,2 de apostolis Petro et Paulo nimis honorati
 79r,3 sunt amici tui deus . nimis confortatus
 79r,4 est principatus eorum . diu wort des heiligen wîssagen
 79r,5 des hêrrn Dâvîdes . diu wort der oberesten wârheit .
 79r,6 des vile heiligen geistes habet vernomen mîne
 79r,7 vile lieben . dei wort komen gevelliclîchen der
 79r,8 hêrn hôchzît ditzes tages . von diu . daz wir hiute
 79r,9 der tulte begên . an den diu wort ervollet sint .
 79r,10 diu wir êr dâ sprâchen . “– honorati sunt etc .”
 79r,11 dei selben wort wellen wir iu diuten . daz ir doch
 79r,12 wizzet waz si bezeichnen . si sprechent diutischen
 79r,13 alsus . “– honorati sunt etc .” “dîne vriunde hêrre
 79r,14 got . die sint vile grôze geêret . vile vaste ist ire hêrschaft
 79r,15 gevestenet .” der heilige wîssage Dâvît
 79r,16 schrîbet . daz die vriunde gotes wole geêret sîn .
 79r,17 wer aber die sîn . die gotes vriunde sîn . daz erzeigete
 79r,18 selbe unser hêrre in dem heiligem evangeliô .

79r,19 dâ er sprach . vos amici mei estis si feceritis que precipio vobis . er
 79r,20 sprach “ir bîret mîne vriunde . ob ir tuot daz ich
 79r,21 iu gebiute .” ze weme sprach er daz . daz tet er zuo
 79r,22 sînen jungeren . ze sînen zwelivboten . uns unde

79v,1 iu sprichet er zuo . dei selben wort . alle die sint sîne
 79v,2 vriunde . die sînen willen tuont . iedoch under allen
 79v,3 sînen vriunden sint sîne heimelîchen holden
 79v,4 . sancte . Petrus. unde . sancte Paulus . die daz gearnet habent .
 79v,5 daz si von sînen genâden erwelt sint ze zwein vürsten
 79v,6 aller kristenheit . wâ von . dâ trunken si den
 79v,7 kelich unseres hêrren . lîten durch got michele
 79v,8 martire . dâ von wurden si gotes vriunde . von diu
 79v,9 sint hiute die zwêne vile heilige gotestrûte . Petrus
 79v,10 et Paulus . die gotesvriunde grôze geêrt . unde
 79v,11 ist ire hêrschaft . ire vürsten tuom vile starke gevestenet .
 79v,12 nû sehet mîniu vile lieben kint . nû merket
 79v,13 vile verre . wie geêret sîn die gotesvriunde .
 79v,14 unde wie ire hêrschaft sî gestætiget . sanctus Petrus was
 79v,15 ein armer vischære . muose sîne lîpnare werben
 79v,16 mit sînen handen . unde mit anderme liste . sanctus
 79v,17 Paulus . der was geânamet Saulus . der was ein æhtære
 79v,18 der kristenheit . der hête den gewalt von den
 79v,19 hêrsten juden . swâ er decheinen kristenman begriffe
 79v,20 daz er si gebundene vuorte in Jerusalem . er erwelte
 79v,21 Petrum einen vischære . unde machete in ze einem
 79v,22 bredigære . er erwelte einen æhtære der kristenheit

80r,1 unde machete in ze einem getriuwem kristene .
 80r,2 er ladete einen vischære ab deme mere . unde machete
 80r,3 in ze einem vürsten sîner boten . unde aller
 80r,4 der kristenheit . er ladete einen æhtære . unde setzete
 80r,5 in ze eineme lêrære aller werelte . er huop Petrum
 80r,6 von grôzer armuot . unde bevalch im die himelslüzze .
 80r,7 er erhuop Paulum einen meintætigen im
 80r,8 selbem ze einem erweltem trûte . got erzeugete Petrô
 80r,9 ûf einem berge Thabor die trûte sîner gottheit .
 80r,10 Paulus wart vleischlîchen gevüeret in disem lebene
 80r,11 in daz obereste himelrîche . daz er gotes tougen ersach .
 80r,12 dei dechein mennische gezellen getar . ir ieweder .
 80r,13 Petrus et Paulus wurden hier in disem lebene der gotes tougene
 80r,14 gewîst . daz si mit vleischlîchen ougen gesâhen .
 80r,15 daz verre über der mennischen stat was . von
 80r,16 diu sint die vriunde gotes wole geêret . ô wê wie
 80r,17 wunderlich diu gotes genâde ist . wie grôz diu heilicheit
 80r,18 sîner güete ist . Petrô schadete niht diu nider
 80r,19 sînes geslechtes . noch sînes ambahtes . noch Paulô
 80r,20 daz unreht sînes übeles . von diu schulet ir

- 80r,21 got verre loben sîner güete . daz er nieman widert
 80r,22 durch sîn niderez künne . nieman sî der durch
- 80v,1 sîn unreht antlâzes gezwîvele . want ane Paulô
 80v,2 dem daz unreht an gesiget hête . daz übertraf
 80v,3 diu genâde . von diu . vlêhe iuwer iegelîcher got umbe
 80v,4 sîne missetât . mit iuweren zahern . mit anderen
 80v,5 guoten werken . ladet vile innicliche ze iuwerre
 80v,6 helfe die vile hêre vriunde unseres hêren . Petrum
 80v,7 unde Paulum . die hiute sô vile geêret sint von gote .
 80v,8 unde der hêrschaft hiute dâr ze gote gevestenet ist .
 80v,9 der küninc Nerô der martirete si beide alsô hiute
 80v,10 ist . Petrum hienc er an daz kriuze . Paulô sluoc er
 80v,11 daz houbet abe . daz mahte er hier wole tuon . iedoch
 80v,12 en mahte er in ire vürstlichen gewalt niht benemen .
 80v,13 von diu daz si gepflanzet hêten die heiligen
 80v,14 kristenheit mit ire bluote . ire lîchnamen
 80v,15 sluoc Nero . ire sêle en mahte er dechein schade sîn .
 80v,16 die armuot ditzes broeden lebenes machete er in
 80v,17 beiden benemen . die tiure des untôdelichen lebenes .
 80v,18 der en mahte er in niht benemen . von diu .
 80v,19 daz in got geheizen hête . “– sederit filius hominis
 80v,20 in sede maiestatis suae . tunc sedebitis et vos
 80v,21 super sedes iudicantes duodecim .” dô den gotessun . sancte . Pêter vrâgete
 . waz er
 80v,22 in ze lône gæbe daz si im gevolget hêten . dô gehiez
- 81r,1 er in . swenne er gesæze ûf den stuol sînes gewaltes .
 81r,2 sô gesæzen ouch si ûf zwelif stuole alle werelt ze rihtenne .
 81r,3 daz lôn habent si entvangen . von diu mîne
 81r,4 vile lieben . bitet vile vlîziclichen iuwer orthabære
 81r,5 . sancte . Petrum unde . sancte . Paulum . daz si durch ire martire êre .
 81r,6 got umbe unsere nôt vlêhen . daz wir ditze
 81r,7 broede leben alsô verenden müezen . daz wir
 81r,8 die süeze der êwigen sælde an unserre hineverte .
 81r,9 vroelichen entwâhen müezen . quot ipse prestare dignetur cuius
 81r,10 regnum et imperium sine fine permanet in secula seculorum . âmên .
 81r,11 de sancta . Maria . Magdalena . hiute ist
 81r,12 ein vile hêre messe . dannen wir süntigen liute
 81r,13 vile michelen trôst haben mügen . unde michel
 81r,14 zuoversiht . hiute begên wir eines vile heiligen
 81r,15 wîbes messe . diu hiez Maria diu süntærinne .
 81r,16 diu was bewollen vile dicke mit broedicheit ire
 81r,17 lîbes . unde hête ein vile michel teil getân wider gotes
 81r,18 hulden . dô erzeigete mîn trehtîn sîne michele
 81r,19 güete über si . die er allen den erzeiget . die sîne
 81r,20 genâde innicliche besuochent . wan sô der man
 81r,21 oder daz wîp ie süntiger ist . sô si mîn trehtîn

- 81r,22 ie schierre erhoeret . die mit riuwe unde mit ire zaheren
- 81v,1 ze ime vliehent . unde sich schuldic ime ergebenent .
 81v,2 alsô tet daz guote wîp . si gedâhte waz si hête
 81v,3 getân . unde wie si ire lîp bewollen hête . unde schamete
 81v,4 sich des . unde begunde iz klagen . unde begunde iz
 81v,5 ze weinenne vile innicliche . unde gedâhte an die gotesgenâde .
 81v,6 unde gedâhte daz mîn trehtîn durch
 81v,7 süntige liute her ze erde komen was . unde kom
 81v,8 zuo im dâ er saz mit sînen jungern . unde anderre
 81v,9 micheler menige . unde viel ze sînen vuozen mit
 81v,10 inniclichen zaheren . unde kuste die . unde halste
 81v,11 die . unde ergap sich dâ schuldic aller ire sünden .
 81v,12 unde suochte dâ genâde . die si dâ bekanten . daz
 81v,13 si ein süntic wîp was . die hiezen si ûf hôher
 81v,14 stên . wie si getorste den heiligen lîp berüeren mit
 81v,15 ire süntigem lîbe . dô erzeugete aber mîn trehtîn
 81v,16 sîne vile michele güete . wande si innicliche genâde
 81v,17 dâ gesuochet hête . unde vergap ir alle ire sünde .
 81v,18 unde getrôste si mit dem trôste des heiligen
 81v,19 geistes . dô wart si gevröuwet . unde gearnete sît sîne
 81v,20 hulde alsô grôzlîche . daz er ir ze allerêrste erschein
 81v,21 dô er erstuont . von diu lieben liute gibet uns
 81v,22 mîn trehtîn einen michelen trôst . sô wir sîne
- 82r,1 hulde unde sîne genâde verwürken . er quît . “–
 82r,2 hora peccator ingemuerit et conuersus fuerit
 82r,3 omnium peccatorum suorum non recordabor .” er quît . “sweliches
 82r,4 tages sich der süntær bekêret . unde innicliche
 82r,5 sîne sünde beklaget . unde zuo mir gevliuhet . des tages
 82r,6 ergizze ich aller sîner sünde .” von diu gedenket
 82r,7 an iuch selbe . gedenket waz ir gevrumet habet
 82r,8 unrehtes mit iuwerme lîbe . unde vlihet zuo mîneme
 82r,9 trehtîne . unde erget iuch schuldic . sô vergît
 82r,10 er iu alle iuwere sünde . unde gibet iu den êwigen lîp .
 82r,11 nû bitet hiute die heiligen Mariam der mîn
 82r,12 trehtîn ire sünde vergap . daz si uns wegente sî .
 82r,13 daz ouch wir mit wâren riuwen ze sînen genâden
 82r,14 gevlichen müezen . unde daz gotesrîche mit ir besitzen
 82r,15 müezen . quot ipse prestare dignetur de . sanctus . Laurentiô
 82r,16 swer hiute her komen ist mit
 82r,17 guotem willen . unde wêrlîche durch got . sîne sünde
 82r,18 ze klagenne . der sol michelen trôst haben unde
 82r,19 michele zuoversiht ze dem guotem . sancte . Laurentiô
 82r,20 der daz wider got gearnet hât . daz er allen den
 82r,21 gehelfen mac . die mit noeten unde mit angesten
 82r,22 begriffen sint . unde mit sünden bewollen sint .

- 82v,1 von diu bitet hiute den guoten . sancte . Laurentium der
 82v,2 in eineme viure lac unde niene bran . daz er uns helfe
 82v,3 umbe den almehtigen got . daz wir alle die gelust
 82v,4 unrehter dinge erleschen müezen an unserme
 82v,5 lîbe . die uns ze sünden unde ze unrehte leitent .
 82v,6 ir schulet wizzen waz viures daz sî daz uns die
 82v,7 sêle verbrennet . daz ist daz viur sô wir entzündet
 82v,8 werden von zorne . von nîde . von hazze . von
 82v,9 überunste . von huores gelüste . von anderen üppigen
 82v,10 dingen . von sôgetâneme viure schulet ir
 82v,11 biten mînen trehtîn daz er iuch beware unde beschirme .
 82v,12 bitent den guoten . sancte . Laurentium daz er
 82v,13 iu helfente unde wegente sî wider den almehtigen
 82v,14 got . daz ir die sêle genert . unde daz ir mit rehtem
 82v,15 gelouben . unde mit wârer riuwe iuwer sünde von
 82v,16 – – dirre werelt scheiden müezet . quot ipse prestare .
 82v,17 de sancto Laurentiô . iocundvs homo qui
 82v,18 miseretur et commodat . disponat sermones suos in
 82v,19 iudicio . wie sælic der sî . mîne vile lieben . der sich
 82v,20 hier in dirre werelte über den armen erbarmet .
 82v,21 daz hât wole eroffenet . sancte . Dâvît der heilige wîssage .
 82v,22 iocundus homo qui miseretur etc . er sprach . daz der
- 83r,1 mennische wûnnesam sî vore gote . der barmherze sî .
 83r,2 unde des sînes entlîhe hier in diseme lebene . der sî
 83r,3 ouch ie antreitente sîniu koese ze gotes urteile . wan
 83r,4 wærlîche ein iegelîche mennische müeze an der
 83r,5 jungesten urteil sô sêle unde lîp sich gesamenet . gote
 83r,6 in rede gên . alles des . des si ûf dirre erde getuont .
 83r,7 iz sî guot oder übel . alsô . sancte . Paulus sprichet . “–
 83r,8 astabimus ante tribunal Christi . ut referat unus
 83r,9 quisque . provt gessit in corpore .” dâ dâhte wole an der vile guote
 83r,10 man . sancte . Laurentius . des tult hiute ist . dem bevalch
 83r,11 sîn meister ein bâbes ze Rôme . hiez . sancte . Sixtus
 83r,12 sînen schatz dô man in ze der martire vuorte . des
 83r,13 bâbeses archidiaconus was . sancte . Laurentius . dô erzeugete
 83r,14 der vile heilige man sîne guote triuwe . die er wider
 83r,15 sînen meister hête . sanctum . Sixtum . unde wider sîne sêle .
 83r,16 dô vuor er zuo unde samenete gotes armen . witewen
 83r,17 unde weisen . unde teilte in sînes meisters schatz . daz
 83r,18 er den heidenischen wüeterîchen iht würde . unde
 83r,19 daz ouch an im ervollet würde diu heilige schrift .
 83r,20 dispersit dedit pauperibus iusticia eius manet in seculum seculi .
 83r,21 er teilte gap den armen . sîn reht ist êwic . dâ
 83r,22 nâch wart er gevangen . unde wart vile harte gemartiret